



Inches
Centimetres
TIFFEN Color Control Patches
© The Tiffen Company, 2007



吉安府志卷五十一

藝文志

詩徵 五七言古詩

五言古詩

於安成答靈運

宋謝瞻

跬行安步武，翺翮周數仞。豈不識高遠，遠方往有吝。歲寒霜雪嚴，過午路逾峻。量已畏友朋，勇退不敢進。行矣勵介猷，寫誠酬來訊。

餞廬陵內史王修應令

梁簡文帝

餞行臨上節，開筵命羽觴。迴池瀉飛棟，濃雲出畫堂。疎槐未合影，仄日暫流光。園梅斂新藻，階蕙結初芳。



別范安成

沈約

平生少年日分手易前期及爾同衰暮非復別離時勿言
一樽酒明日難重持夢中不識路何以慰相思

奉使廬陵

吳均

悵然不自怡端憂坐漠漠風急鴈毛斷冰堅馬蹄落客子
饑寒多江上衣裝薄何當報恩罷驅車還北郭

送顧八分文學適洪吉州

唐杜甫

中郎石經後八分益顛顛顧侯運鑪錘筆力破餘地昔在
開元中韓蔡同勳屢元宗妙其書是以數子至御札早流
傳揚揄非造次三人並入直恩澤各不二顧於韓蔡內辨
眼工小字分日示諸王鈎深法更秘文學與我遊蕭疎外

聲利追隨二十載浩蕩長安醉高歌卿相宅文翰飛省寺
視我揚馬間白首不相棄驂駟入窮巷必脫黃金轡一論
朋友難遲暮敢失墜古來事反覆相見橫涕泗嚮者玉珂
人誰是青雲器才盡傷形體病渴汗官位故舊獨依然時
危話顛躓我甘多病老子負憂世志胡為困衣食顏色少
稱遂遠作辛苦行順從眾多意舟楫無根蒂蛟鼉好為崇
况兼水賊繁持械風飈駛崩騰龍馬際往往殺長吏子干
東諸侯勸勉防縱恣邦以民為本魚饑費香餌請哀瘡痍
深告訴皇華使使臣請所擇進德知歷試惻隱誅求情固
應賢愚異烈士惡苟得後傑思自致贈子猛虎行出郊載

酸鼻

寄題廬陵董氏桂林書齋

宋梅堯臣

山東桑柘多汀南松桂茂種桑事春蠶栽桂事華構嘗聞
雲蓋下聚書為大富往往見子孫緣天掇星宿掇星星若
珠光彩出屋漏秋收萬種田作酒日為壽亦有千里歸錦
衣行白晝

秋鴻篇送劉沆之衡州

秋鴻整羽翮去就自因時往春南方來遂止天泉池天泉
水清泚鴛鴦日追隨蒲藻豈不樂江湖信所宜今朝風色
便暫向衡陽歸洞庭逢葉下瀟湘先客飛渚有杜蘭美心
無稻梁卑昏繳勿爾念鷹隼寧爾窺烟波千萬里足以資
盤嬉峰前想回日青冥生路歧

吉州段秀才粟菴

呂本中

大千非有餘一粟豈不足須彌納芥子豈復論盈縮今君
住世網何以得此獨始知陋巷居已悟不遠復

觀永叔五代史

劉敞

大意晚有屬先生拔書彙是非原正始簡古斥辭費襄善
傷獲麟疾邪記有蜚處心必至公撥亂豈多諱何必藏名
山端如避羅罟

答廬陵彭士元

劉克莊

昔牧昌黎州嘗負君詩債今使番國君又辱君訪逮稍訝
顏髮非因感歲月邁君氣不惰歸君詩有光怪乍觀眩目
肯徐聽驚耳聵奈何行推敲不使坐磨載茫茫彭蠡津眾

水知所匯投竿鼈堪釣拔劍鯨可膾茲事要力量斯文極
變態吾方困銛筩君亦挑布袋人生合並難况復各老大

勞坑入前城 乙卯飯後

黃庭堅

刀坑石如刀勞坑人馬勞窈窕篁竹陰是常主逋逃白狐
跳梁去豪猪森怒嗥雲黃覺日瘦木落知風饕輕軒息源
口飯羹煮溪毛山農驚長吏出拜家騷騷借問淡食民祖
孫甘餽糟賴官得鹽喫改苦無錢刀

辛酉憩刀坑口

羣山黛新染蒙氣寒鬱鬱掃除迎將家下簞鹿巾鞵南北
舍小棠况可清煩暘鳥聲廢晝眠聊以休吏卒竹雞苦喚
人覺坐觀法窟無外同一家惟已非萬物清波兩鴛鴦善

遊且能沒驚人相追飛甚念失其匹春鉏遯閒眼羨魚情
至骨廣道策堅良熙熙集於苑爛額始論功儻能謀曲突

次韻吉老遊青原將歸 吉老泰和丞

欣欣林阜樂賞心天際翔清樽鱸鮓鯉朱果實圓方醉罷
聽疎雨衾寒夢國香雨餘山止月的爍滿簾霜展轉復展
轉鐘魚曉琅琅思歸笑迎門兒女扶相將

金刀坑迎將家待追漿坑十餘戶山農不至因題其

壁

窮鄉阻地險篁竹嘯夔魑惡少擅三窟不承吏追呼老翁
燕無凶偃蹇坐里閭後生集聞見官不禁權輿懷書斥長
吏持杖鑿公徒遂令五百里化爲豹豕墟古來沈牛羊檄

水拒鱷魚猛虎剝文章矧而民髮膚哀哉奉其身曾不如
 烏鳥破家縣令手南面天子除要能伐強梁然後活惇孤
 屬為民父母未教忍先誅山川甚秀拔人物亦詩書十室
 有忠信此鄉何獨無

二月二日曉夢會於廬陵西齋作寄陳適用

燕寢著鑪香悄悄閑窗闔夢到郡城東笑談西齋月行樂
 未渠央苦遭晴鳩聒江郡梅李白士女嬉城闕聞道潘河
 陽滿城花秀發頗留載酒車共醉生塵鞅想見舞餘姿風
 枝斜蠹髮鄙夫不舉酒春事亦可悅雨足肥菌芝沙暄饒
 笋蕨海牛壓風簾野飯薰僧鉢飽食愧公家曾無助毫末
 勸鹽推新令王欲惇獨活此邦淡食儉陋深刺骨公困

積山邱賈豎但圭撮縣官恩乳哺下吏用鞭撻政恐利一

源未塞免三窟寄聲賢令尹何道補黥刑從來無研桑顧

影愧簪笏何顏課殿上解綬行采葛

盧志案云廬陵舊志止載詩題未錄其詩

茲就本集檢詩讀之詞自深美勸鹽數行尤見良吏行政一斑不減元道州諸什值廬陵元令克中亦新構西齋事與前賢適合亟錄此詩登志

送董伯懿歸吉州

王安石

我來以喪歸君至因謫徙蒼黃憂患中邂逅遇於此去年
 服初除聽赦相助喜看君數歸月但屈兩三指茫然冬更
 秋一笑非願始籃輿楊柳下明月芙蓉水僮饑屢闕門客
 罷方隱几是非評眾詩成敗斷前史時時對奕石漫浪爭
 生死送迎皆幅巾設食但陳米亦曾戲篇章揮翰疾嚙矢

君豪才有餘我老憊先止東城景陽陌南望長干紫欲斷
三畝蔬於焉寄殘齒經過許後日唱和猶在耳新恩忽捨
我欣悵生彼已江湖北風帆揆施卽千里相逢知何時莫
惜縑與紙

發廬陵

劉 昇

不作釘根柔翻爲陵颺蓬五年三羈旅羞哭畏途窮今者
人事縛宛然遊昇弓誰尸造物柄鼓我吹噓中雲航開急
槳勢奪編蒲風黃州轉頭矢旋指墨潭東旅鴈聲其儔四
五翩書空暝色天水接俯仰雙青銅幽情隨岸愜眇與魚
鳥通酒力秋後葉扶衰借霜紅詩敵前虵矛稍取別愁攻
男兒貴健決吾豈專棲雄

題秀光亭壁餞劉世臣劉仲美

有序

王庭珪

余遭小人之謗諸友嘗憤惋切齒欲起而攻之會
劉世臣劉仲美當赴省試諸生設祖道於秀光亭
酒旣行忽報小人敗績於是滿堂歡叫獻酬紛錯
終夕酣暢以爲樂蓋小人既衰吾道必盛且以卜
二尹明春光大之兆歐陽巨明作序以
紀餞筵之盛盧溪老人賦詩以贈行

飛雨灑檐角車騎散巖隈臨池張翠幙眾賢會高臺坐中
蟾宮客再占北斗魁

原注北斗第一至第四爲魁
世臣前舉郡魁今第四名

復有南

巷阮謂仲美也少年負英才兩公俱博雅胸臆天所開明春試

殿陛筆力翻風雷臚傳姓名出聲聞落九垓今宵且盡醉
須覆掌中杯朝來得好語仍聞小人災請觀盧溪老談笑
消姦回見敵未嘗挫坐令敵傾摧庸兒不量力自倒非人
推舉此卜二友否極終泰來

題禾山蕭秀才臥雲菴

江南山盡頭氣狀頗英淑禾山倚天開蒼翠滿林麓扶輿
磅礴氣橫斷湘江曲中有隱君子結屋在深谷未放雲出
山蟠雲臥幽獨暮檐青潑眼遠靄寒山竹景色嘉有餘幽
人夢初熟起看柱礎潤山前雨應足

胡英彥得歐陽公二帖蓋訓其子仲純叔弼之語其
一公自書之其一東坡書之英彥刻石以遺朋友吾
叔父春卿得一本有詩謝英彥和焉萬里用其韻以

簡英彥

楊萬里

聖處眇安在談者亦何易注瓦務細巧峯鼎喪良貴羣兒
有新舌六學無故意向來孟韓息不有歐蘇繼庸知死後

者未渠鄉原棄同時鴟鴞噪並起爪嘴利兩公察膏肓與
世作薑桂挾山初作難破竹忽乘勢雙明日配月再立仁
與義我有香一瓣恨不生並世厥今聖域裏澹叟真守器
惟來蘭玉秀渠以清白遺當家有學林英彥道號曰學林滿腹惟
典記人間市井言眼界冠讐視獨於兩公帖費此平生喜
麝煤叩山骨臥聽丁丁美令我竹林老亦復拜嘉惠敢云
賡絕唱頗欲與茲事朝來窻几爽盡室問何瑞寶帖更新
詩小子汝其志

賦答永豐宰黃巖老

吾友蕭東夫今日陳后山道腹詩跡瘦世忙渠自閒不見
逾星終每思即淒然都邑黃永豐與渠中表間黃語似蕭

語已透最上關莫道不是蕭蕭乃墮我前佳句鬼所泣盛
名天甚慳詩人只言黠犯之取饑寒端不能懼者放君據
詩壇

送子龍赴吉州掾

陸游

我老汝遠行知汝非得已
鴛言當送汝揮涕不能止
人誰樂離別坐貧至於此
汝行犯胥濤次第過彭蠡
波橫吞舟魚林嘯獨脚鬼
野飯何店炊孤權何岸
檣判司比唐時猶幸免
笞箠庭叅亦何辱負職
乃可恥汝爲吉州吏但
飲吉州水一錢亦分明
誰能肆讒毀聚俸嫁阿
惜擇士教元禮我食可
自營勿用念甘旨衣穿
聽露肘履破從見指出
門雖被嘲歸舍卻睡美
益公名位重凜若喬獄
峙汝以通家

或或許望燕兒得見已足榮切勿有所啓又若揚誠齋清
介世莫比一聞俗人言三日歸洗耳汝但問起居餘事勿
挂齒希周有世好敬叔乃鄉里豈惟能文辭實亦堅操履
相從勉問學事業在積累仁義本何常蹈之則君子汝去
三年歸我儻未即死江中有鯉魚頻寄書一紙

送舒永豐

周紫芝

斯民如草木九聖含春溫秋風一披拂零落難重陳嗣皇
回日御杲杲升朝暾誰令天驕子欲肆長鯨吞王師一唱
亂諸將皆星奔可憐爾羣蒼終不負漢恩固亦念顛仆所
喜邦本存舒侯名家郎祥鸞未騰騫稍分民社寄似欲親
撥煩盍敷寬大詔力補瘡痕勿謂蕞爾邑安能著華軒

言安府志 卷五十一 詩徵 六
妙割俱有用雞牛無足言君看密縣宰視民真子孫汗馬
無寸勞太傅豈不尊扶衰其有意願復矜元元

羅溪橋

裘萬頃

我來從西昌日日困塵土誰知羅溪橋淨若初過雨長松
列左右清風奏宮羽薄暮舍蓋輿扁舟渡溪去

出灘賦灘石

徐鹿卿

嵯峨聶都山豫水茲發源始者才濫觴其流細涓涓東行
介南野章水西入焉又東漸雄張有州故名虔貢水遠來
赴融合爲贛川當其初合時滋淳匪爲淵中通尺五流玉
虹臥蜿蜒羣山來左右萬石梗後前初疑牧羣羊忽訝墮
飛鳶伏犀狀魁桀浮鴈影接聯阿河陣敢死赴浴池連錢

下者宛蹲踞上者將騰竊或矯首欲鬪或宛留安眠或退
然深伏露尖大如拳或竦然特起儼立高齊肩或兩兩爲
偶或伍伍相連此有一席平彼有萬竅穿齒齒激寒冽眼
眼開清圓形模互馳騁氣勢相吐吞平坦十數丈變怪紛
百千顧眄不暇給算數疇能殫天公轟震霆力士推雷門
上下相舂撞對語不得聞眾灘角巖嶮四灘獨稱專其一
曰天柱豎立如登天幽深下無際渦盤蠹迴旋其下爲舞
索風索飛翩翩絕流逸而東蚺蚺相縈牽大了與惶恐殆
見伯仲間輕駛疾於箭號怒沸若煎下此得安流衽席過
舟船我生苦萍梗薄宦遊梅關三載兩經過每過心爲寒
酌酒問長江胚胎始何年胡不事夸易而樂從嶮難江神

信靈異恍惚若有言吾來卜居此肇自開混元清兮伏塵
滓介如抱剛堅一片朝宗心萬折無變遷所樂在兼濟未
始間愚賢征人間憧憧鷁首浮翩翩吾力所能任登岸常
相先雖然有觸鬣自取非吾愆清獻昔疏剔不露斧鑿痕
至今虎城下滾滾流遺恩坡仙逐海南爲世所棄捐風帆
一葉身詩句萬口傳難石本非嶮人自以嶮看委蛇曲折
間道徑自平平子行但由中坎容居其邊子舟要適平輕
重防其偏乘流亦良便避礙須達權五湖瑩如鏡瞬息風
濤掀嬉笑或藏怒至愛存笞鞭難石信非嶮嶮處卻萬全
我聞說是義心思俱豁然一笑過灘去落照銜山前

橫浦亭次瀛父詩

青山闔門戶綠竹窺檐楹巋然一亭石境界涵幽清季侯
昔經始扁以橫浦名亭前兩泓泉吞吐寒蟾明方圓中規
矩由水相紆縈汲漑當餅盎觀覽駢簪纓黃君靜者徒磊
落千人英竭來梅花邊一見眼爲青官居廉泉上復此逢
清冷詩豪瀉銀漢興逸凌紫京回首聲潺潺恍如醉翁亭

中秋登青原臺

鄭作肅

去年中秋節鄰州正弄兵羽檄方四馳酒觴難一傾今年
當此日往事久已平不但衰弓矢又復見豐登桂魄十分
滿暮容千里晴節物向人好江山入眼明羣峰翠靄鬱靜
練秋光澄霜竹裂石響焦桐號鐘清嶻嶭高臺上飄飄欲
雲凌矯首宇宙寬顧影塵滓輕今夕定何夕此身非幻身

謂言坐中客不飲若為情

仰山峭石

謝枋得

靈祠峙華構廟食鎮茲所其傍石巖巖峭拔紛可數露茲
鮮暈深霜落黛色古高低虎豹蹲勢欲壓后土自從開闢
來乾坤幾風雨案此詩之前盧志尚有石礮瀑布詩一首查已附盧陵水故州再案石礮瀑布泉在吉水縣盧志附謝詩於青原瀑布疑有誤

黃原暮雪

大雪滿山谷黃原欲黃昏堅冰沒石棧山家早閉門途旅
不得前饑虎號遠邨有客射獵歸踏雪下山根然松呼美
酒一醉老瓦盆

何和尚尋母

元趙文

何上饒人因丙子亂失母乃削髮為僧刺血寫經徧天下尋之至燕值國方會僧六萬三千人何於會煉臂有一僧問有何願受此苦何其言所以僧云京兆府金鄉縣張官人宅問之即往詢求乃知俱往吉州仕宦矣何到吉州泰和得知張名守德為泰和尹乞食至門曰我信州人有母在此聞人言母出不復認何言我辛酉生母乙巳生俱言外氏祖父母方記憶相向大哭蓋母由他人三易主矣張令加冠巾約為見許為娶婦何曰初事佛求母豈可得母負吾初心乃陳省以母不當攜張以爲引法力爭之何日哭於省前冀有乞人哀而助之者後竟以歸

寫經母血盡長素母容枯燒蜜煉頂臂孰非母肌膚豈不
痛至骨為母忍斯須南北萬餘里來往如趁虛天高孝可
感報應非浮屠出門訪東家遇否不可虞茫然求我天再
見得斯圖昔者別兒時那有此頭顱明明陳左驗大慟絕
復蘇向來相妒人泣下成歔歔收泪相勞苦何異得乳雛

不卽遂其志彼張非丈夫冠巾有婦子諒亦母所娛爲佛
再有母初志不敢渝但期百年內奉母與佛俱雖非聖賢
事區區守其愚爲君賦高誼感我真窮亦棄我十二年人
母我獨無天涯尙可尋地下不可呼

讀文相國吟獻集

黃庚

垂垂大厦顛一木支無力精衛悲滄海銅駝化荆棘英風
傲兀砥濱死猶鐵脊血灑沙場秋寒日亦爲碧惟畱吟獻
編千載光奕奕

趙孝子

揭傒斯

廬陵趙孝子四歲父行賈一去三十年家惟太母母太母
已云歿而父行不歸兒長亦有婦母子聊相依從父自北

來汝父从已死母子哭且問父死何鄉里聞汝父死時不
知汝父處汝但欲往問京師多舊故再拜別阿母行行至
京師自念不見父兒死無歸時乃有曾老者往昔與父善
言汝父死處濱州利津縣徒跣三千里薄言至利津朱琪
章文輩一一陳所因死以某年月葬以某木棺姓名某所
題近在城南搗城南冢纍纍翳然榛莽中極目千萬冢誰
能識其蹤行哭哭月餘欲覓不得所生者無由知死者豈
能語解髮繫馬鞍負之從墳過吾父倘有知髮解鞍自墮
俄至一墳首鞍墮髮自解開墳見前棺題字宛猶在旣見
父姓名痛絕心始安函骨陳野祭禽鳥聲爲酸鄰老四面
來驚嘆未曾有相率報縣官縣官駭之从卽日上大府大

府咸異之次第聞中朝行子正南馳行子行且傷哭踊如
 初喪路遙山川阻何時至故鄉故鄉既云至葬祭無違禮
 母子永不離萬事若流水聞者盡稱孝見者俱感泣期汝
 百世昌望爾百祿集兒今一無願願母長不老歲歲父墳
 前酒飯墳上草

寄題吉水程州判勤有堂

劉詵

讀書如農功播耨無休時春雨困鋤鋤薰風走臺緇秋熟
 償所願黍稷高京抵東家不昏勞飲酒隨市兒室空立匹
 壁眾飽已獨饑始知貧富權非盡天所為筋骸我所有墮
 廢誠非宜六經具理道諸史垂興衰修身與治國途軌坦
 且夷講切得其要高可聖賢追功名特餘事記問非所師

兒啼譏笑聲掩捕一朝盡回頭顧童穉反覆深砭訂事會
 固巨量詎能忘戒訓因思少壯日膏澤溥涵泳冠蓋先送
 迎農桑雜歌詠閭閻飫梁肉厠養翹車乘飛潛借動植一
 一遂天性焉知厄遭遇垂老百憂並聖朝果何負姦宄妄
 依凭得非湛恩隆竊祿隱讒佞貪冒遞相蒙浸淫成此覺
 中天揚日月光彩爛相映雲霧偶晦冥何能滋疾疢眾心
 一此理磨濯光愈瑩化機默回旋民伍奮豪俊川東事太
 奇氣與北風勁劃開某石圖捲入背水陣翩然破竹勢節
 解白迎刃郡侯起牧集轉盼復歸正誓將掃餘孽側耳四
 方靖麥秋告登場秔稻亦已竟死者可勝哀存者聊自慶
 蕭條舊邑里庶免憂釜甑書生守衡茆才具非濟勝中宵

投袂起踴躍歌解愠四顧掃噓霾如疾脫危症親知稍慰
藉松菊尚三徑雨露極昭蘇草茅微報稱忠謀慮或過深
計眾多屏薰猶眩疑似玉石互淄磷吏弊襲貪殘罕由慈
惠進吾侯新涉難庶務職其柄撫定在哀矜勗哉慎行政

二月十六日晚青兵逼城紅巾不戰而潰暫匿近塚

小屋夕走橫溪

孤藩酣春霖戰艦一時集喧呼驚棄甲填道戈可拾黃昏
煙燄起近郭俛藏蟄夜深相隨行問道眾岌岌敗走餘羣
醜邪徑俄掩襲叫號互失亡顛仆免繫繫策羸叟狼顧襁
孺婦飲泣帶褌衣苟完靴沾足難給相失但聞聲疑路翻
卻立屢休幸雞鳴襟袖寒氣溼貫魚累童穉前阻後惶急

累世事誰能了桐江匯章水晴漲何渺渺曾不瞬息間一
帶縈沙小無怪豪傑區煙蕪怨啼鳥盛衰兩相乘元悟良
獨少君今脫塵羈相從得閑眺題名剡石苔借蔭憩叢篠
白紵含餘清稍覺心情悄山市門初開飛塵已紛擾

同周愷子諒賦老人會詩

時危親戚散况乃多賤貧晷茲老人會為樂難具陳生子
競榮達志養俱獲伸朝出共寮案夕歸為比鄰異姓歡愛
洽不殊骨肉親起居迭相送愧愉盡情真絜我豈無母半
菽長苦辛願言敷治化枯槁皆同春

暮春述懷

周霆震

三月十二日寇據郡城勢焰虛張人情洶洶水東
義民廉得其微突起奮擊迎郡侯收復城池殺獲

垂盡餘
眾遁去

妖氛被東南醜類日響應承平七十載倉卒駭觀聽堂堂
忠節邦奕奕太守令流血動成川分奔馬蹄競羣兇首被
赤心額雙懸鏡赤以欺愚庸鏡以眩昏瞑張皇禮像設誑
托西方聖燒蠟動干戈相承勢彌盛喧呼短兵接迅若斤
斧運殺人先剖心刳腹抉肝腎擗撫窮窘藏備網羅機穽
官曹列廐牧民屋委灰燼郡治歌舞場朋從悉梟獍頗聞
連騎出近郭更蹂躪計程倏往還日以嚴示信距城此雖
遠疇敢保安靜聞雞心即危過午魂始定顛連混冤親跋
涉無老病晨興不遲夕永日饑餐併豈復虞道途所悲室
懸磬妻奴且目下僥倖須臾命近傳某澤中逆料絕窺偵

詩徵

但使本根茂華實當滿枝退之以利誘不免後世疵英英
程別駕龔卓讓設施作堂扁勤有燈火喧吾伊頗聞郎君
佳過眼無前疑胸蟠五千卷下筆蛟龍馳勗哉樹斯文千
載以為期

丞相都督信國文公

劉 壘

時平輒棄置事迫甘前驅嗚呼忠義臣匪直科目儒江寒
朔吹急列城同一趨豈不希便安綱常乃當扶移檄倡諸
鎮奮袂躬援枹川決莫我回萬險棲海隅天平復不濟道
窮竟成俘一死事乃了吾頭存模糊悠悠譏好名責人無
已夫三衢有魁相投老作尚書

悲廬陵

原叙已見
軍政志

郭 鉅

吉安府志

卷五十一

藝文志

十三

峩峩青原山洋洋白鷺水炳炳照輿圖磊磊足多士四忠
 與一節流風甚伊邇往者舉義旗事出匹夫始連兵七年
 間省臣兼節制朝廷寄安危幕府保姦宄勢驕改令圖反
 側久窺伺紅旂遡江來羣雄盡風靡今日賣降人昨朝清
 議子奈何英雄姿因之穢青史朝為龍與虎夕為狗與兔
 流芳動百年遺臭亦千祀嗟予父母邦何忍獨深訾所恨
 寧馨兒磔磔不得試賴有蕭參謀殺身刷深恥我欲裁白
 雲緘情問生死良歌裂肝腸臨風淚如洗

早秋陪楊和吉曉登前山望桐江

白鶴導晨從涼颺起林杪振衣凌高岡極目窮幽眇蕭蕭
 草樹秋歷歷人煙曉依微元潭觀羣仙在林表下有塚纍

縈迴阡陌間恒恐追騎及重岡釋心掉湛若恩露裛推挽
 達人烟開顏見春汲兒扶集悲喜須兒贅橫溪蕭氏親故走迎揖
 坐定饑渴生酒漿更勸挹驚魂久徐定強笑寄於悒翻思
 墮危機性命在呼吸家鄉固殘毀所幸存井邑杖策歸去
 來戒此輕出入

石盤嶺

明劉崧

沿溪弄潺湲舉首見絕壁石脚插白沙崩崖舊時劈始登
 足慄輕稍暇心怵惕圓峯覆錡釜懸澗瀉瓴甌常時風雨
 交雲氣走霹靂兀坐蒼茫中隕然欲無敵質緣背前路陟
 巘欣後覲委蛇冠彤霞截葉掛赤霓梯危出深窞指道轉
 岑寂寒葩泣零露幽巖明的皪迂迴落坡陀清展方踞蹠

喬林雜杪，樽元宇粲，簷滴逝將近。天人披髮調笙笛，神仙
 豈在遠塵慮。恐未滌行歌，答清嘯次第。記所歷，迴風散殘
 雨，列宿光可摘。羣動亦暫休，啼螿在葭荻。意行得無為，念
 此增感激。

望南屏山同呂仲鉉仲賓作

王沂

遊目南屏山，逍遙稅塵鞅。清溪亂流涉，疊巘綠雲上。輝輝
 瀑泉落，隱隱天籟響。荒塗理逼塞，虛室靜宏敞。中有餐霞
 人，長聆御風想。不乘緱嶺鶴，還顧漁郎舫。芝草甘若飴，雕
 胡大盈掌。雖為頽齡駐，亦忌流光往。永懷山中遊，觀化歷
 清賞。

黃麻峽 安成

周是修

遠聞黃麻峽，自甬行及酉。溪聲咽復喧，山勢回不走。居民
 實淳樸，安用巡徼守。男耕而女織，帝力亦何有。

梅花源 廬陵

山行五六里，峯勢忽亂巘。前有梅花源，人煙帶邱隴。天寒
 雲木交，晝晦風雨湧。進聞豺虎多，深入能弗恐。

夏莊里 龍泉

山行巖嶮極，言至夏莊里。俯視見人煙，直下在地底。結屋
 自為鄰，開門齊向水。嘗披桃源圖，何有踰乎此。

花陵渡 泰和

路窮春江長，江上花陵渡。東風桃李花，多少隨流去。野航
 容數客，來往衝紅雨。日夕望煙波，武陵更何處。

尖心峯 泰和

東郡富原田西顧曠平永青峯特中起卓立勢拔笋造化
固根菱陰陽定標準何當躡層雲臨覽至絕頂

大石門 泰和

兩山夾長溪石壁忽觚截一竅正中開嶺岼象棖闌不假
造化功世人焉得識萬古祇如斯消磨幾行客

釣魚臺 廬陵

仙人何代飛空有垂綸所危磯枕中澤形勝猶太古奔流
怒出峽眾嶽欣承宇悵望嚴子陵山秋紫蘿雨

鷓鴣港 廬陵

十家同一姓浮處依巨港取魚以為活鷓鴣代罟網田園

世外疎見孫眼前長何當命輕舸煙波共長往

白水湖 廬陵

平湖淨如練光氣日舒卷秋水荷花鮮西風棹歌遠美人
居上頭遊子無時返行見紫鴛鴦惆悵天涯晚

華蓋山 廬陵

東風吹大河河水為上湧細思華蓋君巢雲絕塵兀嗟時
月滿軒耕處雲生隴何當命巾車相從服鉛汞

白下驛 泰和

大河東遙遙孤城忽如塊臨流起層閣危軒俯長瀨西山
當倚晴宛若蛾眉對日夕望闔都車馬空橫潰

贈李伯尚司訓還廬陵

金幼孜

廬陵古名郡風俗天下聞卓哉歐陽子奮發振斯文聲光
 被後世至今仰餘芬惟子企前軌力學究典墳棲遲三十
 載布衣誰與羣忽茲膺薦舉袞冠上金門授以郡博士文
 采耀青雲今晨別我去悵然惜解分臨歧重握手酌以白
 玉尊北風吹浩浩雨雪何紛紛抽帆上南浦行行近青原
 及家固云樂况乃親弟昆蹇予荷恩遇謬忝職禁垣西江
 未同返遙睇瞻邱園解佩爲子賔聊復申好言勗哉繼先
 達浮名何足論

石江爲歐陽光祿賦

羅欽順

骯髒人所憎脂韋人所喜世無骯髒人滔滔將誰止伊余
 素寡合晚得石江子自云性骯髒托物以喻指家住蜀江

濱江流清且駛有石橫亘之何由日千里素懷及物志而
 昧圓通理方心刃不得機變乃深恥坐此礙吾行與石渾
 相似爰以石名江因之還自儼余聞不謂然此性實天畀
 能令憎者畏所向率風靡漢廷黯誠慙邪謀爲之弭累百
 公孫宏論功安得指在人明有徵在物豈殊此江深多瀑
 漲高岸有時地向非石之功雞豚盡鱸鮓小激旋成文剛
 制終循軌似礙原非礙妙用誰能揆聲應本由衷詩成忽
 盈紙要知惓惓意慎終必如始千里未爲遙直到扶桑埃

臥雲樓

羅洪先

託居在城市聲利多厖囂白雲滿山谷往來暮復朝雲飛
 不可留太虛神與遊昔人重攬結冥臥百慮休不復知春

秋豈辨人間世身雖雜塵氣心已釋凝滯陳君年已晚白
髮不盈卷高樓有嘉名意與昔人遠憶我開石蓮榻上生
嵐煙伊誰到枕席惟有夜深泉

答鄒東廓歐陽南野聚講吾邑古城寺寄示諸生次

韻

劉魁

夏葛與冬裘饑食而渴飲人道此其常何用勞思審春日
本遲遲秋霜原凜凜天道此其常何用勞題品後來內外
分始戒以衣錦為學如力田誰不望歲稔

西昌懷古

李玉璧

我聞鄉先達多以謙讓居陳東楊待制珠林劉尚書投簪
還鄉邑徒步入里間少師待制孫展墓賦歸與西城王家

宰謝事天順初絕跡至官府至則礙有餘鄉人爭羨慕益
人揚芳譽前修去逾遠禮俗日漸殊不及朱買臣又非馬
相如微官是何物乃敢忘故吾前驅負雙弩高坐擁駟車
親知俯首避馳騎乘肩輿任人唾且罵不聞佯若愚豈無
恬退士往往視為迂滄風幾時復免我長嗟吁

寄鄒南皋

葉向高

扶輿闕靈氣大道寢以衰之子起文江將應名世期力挽
未墜緒斯文良在茲金門始通籍尺疏扶綱維毅色投遐
荒正氣凜不移皇路既清晏端笏陪彤墀讜言無忌諱亮
節流委蛇寧炫百鍊鋼欲酬明主知立朝無柳下許身自
臯夔青山千載臥荏苒人事非著書擬墳典談道窮黃義

遐躡往聖軌卓哉後學師巖廊急邁軸荒榛望平治天運
有回復賜環豈無時

書湖陂蕭烈婦冊

賀 沚

予讀先師傳蕭氏死節奇夫亡妻致命母死女亦隨汎柏
誰能奪投瓜效祝辭湛湛江流水汨此兩英姿節殞明素
志孝死亦何知性天所激發莫知誰之為舍生以取義臨
淵甘如飴英烈足千古秉彝揭於茲媿美心共賞碩人撰
鴻詞琳球縱冰雪讀之淚淡頤太守廉節義以此酬周咨
真精自妙感高標郡門楣還應排闥闔旌詔勒穹碑正氣
兩間塞芳芬百世遺忠孝同節烈汨羅映湖陂

借念菴諸公聚石屋

甘公亮

石屋茲重遊尋我花谷石細路入林深不見舊苔跡煙霞
最深處茅亭藏石隙美人占臥雲花谷呼咫尺下有菱藕
池上映青天碧明月升梧桐舫坐遂忘夕披襟入我懷水
月一般白神化俗不分即此吾安宅

東昌父老嘗語予信國文公生於永和石窩予自香
林訪其地有文姓者公遠孫也石窟之東南章水
環之外五鳳山高出漢表莫與並秀者

陳嘉謨

廬陵有砥柱可以障百川降神在何許乃在五鳳前峩峩
五鳳山秀色橫南天正氣川嶽合孤光日月懸成仁與取
義至令頑夫廉杖藜訪遺趾野屋棲寒煙拜我幾代孫力

耕十畝田大賢固有後所貴
湛風全我老與世辭荷鋤理
荒阡愧公之間里三謝為潛然
公靈耀箕尾千載當來旋

貞女辭

劉理

貞女名貞委城東張氏女也其父成甫少與予同
學與予之變予適家居故知其事為詳噫貞女之
死稱其名矣因其弟
奎應之請為之辭曰

幽幽淑女姿隱若雲間月
明明烈女心凜若風前雪
青年方及笄邁此潢池孽
出門跬步慚兩面凝青血
山高不可登地厚幸可裂
波澄徹九泉骨洗香難滅
誰哉表方塘遠繼曹娥碣

首山

陳際泰

正月發臨川二月到陶湖來訪皇華使如何號遯夫入門

開三徑松竹雜葦蘆小立板橋望垂楊
隱卧鳧轉入石欄處小童飼鶴雛
草繁輕不伐偏欲似荒蕪借問如何是
曰可養拙愚菴題靖節姓此志亦區區
不信其中意骨貌久清癯兼以兄弟好
墳篋曰于于同吹太古曲斯世相唐虞
我亦高蹈者對之深躊躇安得壺公來
躍入壺公壺

春浮園為蕭孟昉賦

國朝魏禧

好夢在園林恰來天半住阻水注清池
開花散芳路經營惜寸條有如作家具
憶昔遊春浮蕭太常園名持身入煙霧
水不移地形結構本天趣我年比子安
愧不畱佳句時余年十三

聞君為遜圃肯與高僧寓曾讀徐緘詩
輒身至其處爵位如亭沼名節如林樹
靜坐當兩日百年時延此

青原謁五賢祠

施閏章

姚江有遺岸螺水盛苗裔從者紛如雲期會無虛歲遂令
空山阿絡繹勒車騎絃歌響林谷逢掖滿僧寺四君尤挺
出嗣音相鼓吹寂寥四十春講席蔓薜荔荒祠猶歸然俎
豆將委地山鳥懷好音林木自深蔚昔人未云遠顧瞻泣
流涕百年一須臾峻陔策奔駟徘徊岐路間白日忽西墜
如何丁我窮吾黨竟顛顛題字破莓苔振衣獨遺思

自吉州之泰和道中

行潦猶在塗征車不遑息峽折忽泉聲徑轉復山色崎嶇
巖壑間出沒何終極荒塗行旅稀虎跡交南北四顧多廢
墟遺礎委荆棘回思未亂時山民亦繁殖

贈張賁山待讀

公從我刻講學
語錄故答及之

我來揚子驛逢君灌嬰城東山不得臥北園將載征邸寓
修主客顛倒歡合並同遊淹永日坐語殫中誠謂我有記
述盍懸如日星聞言我踣踈短喙敢長鳴往歲備藩牧凋
耗愍遺氓灑淚無瘡痛憂心如宿醒禮樂猶未暇爭先食
與兵姚江遺澤在俎豆垂風聲漸摩徧耆宿往往存典型
努力補頽缺同心求友生實維循舊軌匪曰抗前旌周孔
路蕪塞反脣訾六經亡羊多歧路穴鼠紛鬪爭感此閑決
裂要欲守章程所說皆恒言未足千人驚質疑每前席感
激亦沾纓良田餘美種一漑吐清英賴公及司馬謂李梅
公先生
輔翼揭羣盲青原白鷺間接坐或班荆盤饌費供億冠冕

墳郊坳問答既反覆語若流泉傾執筆雖在旁端緒難分
明藏之置篋笥編校愁眩睛鹿洞與鵝湖大指本平平至
今若在耳邱壑生光榮諸賢不我棄書院重經營苦辭幾
傲舌華構已飛費先生助木石往視無廢停城南見輪奐
洲閣同崢嶸公私皆懸罄此力豈餘贏我至彌賦汗佇立
久屏營既成不可毀仍舊祠文成長吏肯修繕盧陵令于君藻翼以
垣長明舊寢零丁數子雖墨守空堵已草青忍使絃誦地榛
莽穴颺颺鄙人信薄劣附心羞噉名以此長太息吾衰誰
見聽猗惟曲江裔奮采為國楨校書窮一二西論才羅八紘
君翰林典試讀禮久家食履跡罕公庭拳拳念絕學執手
浙江官司業數丁寧持此起頑懦足以重公卿愧無鈞天奏鴻響破飛

蟲所欽行復遠驅車之帝京願公宏教育先覺非獨醒

十八灘

王士禎

繫舟萬安城已聞灘聲惡連峯造天關疾雷殷地絡篙師
理毳楫直與驚湍薄高山立積鐵其下臨大壑沈沈蛟龍
宮神物信所托排空紛怪石森然奮搏攫潛虬動鱗甲巨
刃揚鐔鏘地根在何處坐覺坤軸弱悵然念神禹封泥此
疏鑿長年聚羣力撇漩出寥廓三復垂堂言遠遊亦何樂
亂峽吹急雨一折改奔峭連山亘東南瘴霧迷嶺嶠榜人
侵曉發高臥失臨眺輓雷起何處萬夫迭呼嘯倏忽數灘
過到眼一票姚武朔既崖柴崑崙絕排鼻始蹈呂梁險終
成昆吾譟四山方出雲吐納亦殊妙山木蒼然合冥冥子

規叫

半日過五灘灘灘各殊狀怒流一噴薄石角迷背向激瀑
散霜雪倒灑石壁上漩渦走風霆喧豕裂層嶂洶如奔萬
馬崩騰不相讓又如聞闔開搜搜羽林仗傷神既慘澹快
意倏悲壯出坎在須臾布帆幸無恙探奇遘靈闕豪吟洗
惆悵

蜀江口望武姥山

邑城西十五里水勢
洄激似蜀三峽故名

梁機

靈崖盤遙碧西峙儼高幹金精千年萃地脈一氣貫落影
蹙江天飛翠湧星漢兒孫衍金華山蜿蜒排玉案秀分南
北巖跡留陶皮館陰壑鍾乳凝幽蹊桃實爛木落元猿嘯
月黑天鷄喚聖姥驂青鸞霓裳翳天半神仙有才子洞門

題青翰

有呂祖
詩聯

鶴歸松杉暝泉響川光旦白雲自邱陵清

都宛壇觀廿載曠幽期三山空彼岸蜀江望孱顏芳洲起
浩漢思盡意無違神通目欲斷登真力未能遺世情豈憚
颯然微雨過渺爾昏鴉亂斜陽遠煙輕遙鐘隔水散酣歌
懷真訣永期骨蛻換

蕭節母詩

有叙

蕭為余邑寧溪人鳳川謝上舍鵬山母也年十六
繼室謝氏有賢行間里稱之亡何夫卒矢志撫諸
孤成立幾二十年而及王生則聖亦余邑人遊鳳
岡久與上舍交最密嘗為余述母生平余既與之
同里惜其賢節早世不及
而重與上舍相往還也紀之以詩

人倫首伉儷所重藝與蘋女子無非儀戒之柔且馴名聞
與賢媛編簡常能新祥為鳳信偕變或鸞鏡塵苑枯異遭

逢此理難具陳懿彼節母蕭夙昔珩璜珍遠適在他鄉悠
悠違所親竭力事柔從宛轉執櫛巾常懼織作遲敢使丈
人嗔鳧鴈警翺翔爲歡正芳辰天乎人何尤臨穴殲良人
南山烏張羅高飛誓此身諸雛異所生覆翼同其仁黃鵠
哀不息碧澗茫無津白日出堂堂薤露難及晨疾風一摧
折隕此松柏筠國家褒節義劇使風俗清沮喪在中道殊
思渺無因此邦有舊遊甚覺王生真寧溪本世族淑靈鍾
者頌令德關鄉誼何以慰澆淪母節良已苦母志良未伸
哀哀慕令子嘖嘖猶四鄰壁日彼芳蘭華谷幽氣逾春昔過
仁厚里行路爲悲辛勞歌之音徽惻惕傷我神

福神祠

邑俗村坊廟
祀神爲福神

幽林晝慘悽蒼鼠啼篠蕩恤恤福神祠碧檐虛銀榜白日
荒岸深陰房半扉敝冠冕殊秀發和煦頗儀像云是第七
郎虛無出影響猗卒何森羅隅立怒挺仗毛髮捲燠土血
色唇舌仰人情喜怪誕鏤琢務罔像几案腥風飄村翁時
獻享祈請走巫咸秋賽競勞攘先王通風俗神道亦所獎
百祀有紀載秩宗爲之掌功德隨厚薄小大異褒賞粵蠻
養烏鬼洞民亦魍魎楚客嘆山河薜蘿只伎倆愚哉殊方
俗上帝寧蕩蕩此祠雖幽闕端正中座朗溫溫神宇恭貌
善福應廣尙掃旨災清歛祐年穀穰報祭有光輝德色交
胼蠻作詩以相告斯人不可罔

安福王孝廉吟爲余丁卯所得士己巳秋歿於京師

又明年余再主豫章試其夫人高氏遣僕嚴雲間
予起居且請一言訓其兩遺孤嘉貞因仿白太傅

廬山桂示之

錢陳羣

手植廬山桂秋香發新條
風忽摧折孤幹隕霜朝天道
有冥晦人事感飄搖月中
其子雲裏護雙茗培扶洵非
易如農守良苗毋使稂莠
古是藜而是穠老參種樹書榮
悴非所料寄言孟氏毋明
訓及垂髫

遊青原山

金德瑛

坡陀相隱軫鬱鬱羅青原
谷深氣象晦日色如不暗
後嶺擁重屏前岡迤短垣
離立雙古檜虬枝向空翻
佛殿卓方池橋檻窺泉源
長魚潛若寐背麗蒼苔痕
僧徒數十眾聚

處如孤村粥鼓一聲響
炊煙飛山根壁龕山谷字
半缺不可捫後來陽明公
大書今尙存俯仰尋世事
日月徒崩奔釋子具願力
能宏彼教門曹洞一滴水
不離眾流渾遂令荆棘地
永仰龍象尊我於執掌暇
暫爾適話言遊者豈可
數感此慚緇髮

自泰和至萬安筆墨稍暇江山靜對詩興躍然時適

得三華山人梁仙來機集有虎邱和清遠道士詩因用

其韻

金 姓

灘近怯拖舟槎浮艱上漢
差喜堆案空丹鉛停點竄
江山助詩興及此足清玩
便作賈胡留絕勝遊汗漫
篙淺避淤沙帆廻隨曲岸
目送嶺頭雲去來峰影亂
南中不搖落碧

樹擬春半好鳥共安巢紛飛時聚散語未辨嚶嚶意應申
旦旦感物引長懷篷牕聊染翰借韻想仙心遺音聞唱嘆
靈跡儻行遊川途尚幽贊

青原雜咏

劉孝揚

昔賢講學地山水發華滋祇今虛堂中沈寥野風吹臨流

掇蘋藻芳馨動我思

五賢祠

我聞臧丈人意釣非為魚偶來坐盤石秋月寒潭虛微聞

澗瀾聲濺起水中珠

釣魚臺

一條雪練白兩點螺髻青茅屋住峽口風泉如可聽晝夜

相挹注洗此萬古腥

漱青峽

青原最絕頂上有仰天池山雲間水雲時挂高樹枝灑作

半空雨下溼遊人衣

仰天池

梅林渡阻風乙未孟冬十日

盧崧

解纜北風狂水勢一何怒風水互喧飈蕩舟不得住篷振
驚沙飛不辨山與樹隱隱聞鐘聲知是梅林渡過渡即城
東郡衙纔百步行止豈自由遲速皆有數營營逐利名夢
癡何不寤參此靜中機泰然守吾素內淡外自輕意愜皆
成趣詰朝風浪恬一棹南州路

遊青原山

張維屏

祖關不知門泉響先到耳清涼洗塵心一靜生妙理過橋
始見寺寺在山翠裏煌煌魯公書兩字光燄起載誦涪翁
詩五言澹彌台茲山唐以前未甚挂人齒高賢翰墨留大

德忠節偉遂令青原名幾與匡山峙我來景前徽敢謂繼
 芳軌魯公為吉州別駕余適權吉安通判山谷以泰和令來遊余曾攝泰和篆更思文山琴三
 歎意無已寺有文信國琴詩拓本

七言古詩

送施屯田提點銅場兼相度嶺外鹽入虔吉

宋 梅堯臣

江西采銅山未竭南越熬波海將結土人貪利不畏刑白
 日持兵逾盜竊銅私鑄器鹽奪商死共吏爭蛇鬪穴姦豪
 乘勢倚蠻陬劫掠聚徒成蟻蛭今雖驅剪嶺下平尚恐根
 存更生孽因擇健才通便民付職與權將有設秋香亭上
 共為賓卻作主人殊少悅沮東走北十五年只有山川看

不別

送劉元忠學士還南京

昔見相公登瀛洲今見公子為校讐鯤鵬變化三十載我
 生安得不自頭君前拜恩父前慶暫向南都乘順流南都
 畱守頗為喜將吏入賀靴聲道酒輿銀甕羊臠炙上下和
 煦移涼秋歸來卻上柳堤路西風健馬控花虬

將至太和寄蔡仲偃太博

趙 抃

我憶去年仲冬月夜醉離尊曉船發蓼蓼畫鼓上窮江章
 貢川源接南粵虔州之民十萬家下車公事亂如麻去除
 煩苛養疲瘵未幾訟簡俗亦嘉農事屢發稻梁積獄存空
 虛寇衰息遠陬安堵幸貪天闕然自慨予何力邇來被旨

還神京乘秋擊權煙波行夷猶入境奚所喜故人樂土絃
歌聲

送江公著知吉州

蘇軾

三吳行盡千山水猶道匡廬更清美豈惟聖德隱狂奴時
平亦出佳公子初冠惠文讀城旦晚入奉常陪劍履方將
華省起彈冠忽憶釣臺歸洗耳未應良木棄大匠要使名
駒試千里奉新官舍當有擇得郡江南差可喜白粲連檣
一萬艘紅粧執樂三千指薄書期會得餘閑亦念人生行
樂爾

秧馬歌

過廬陵見宣德郎曾君安止出所作禾譜文既溫雅事亦詳實惜其有所缺不詳農器也予昔遊武昌

昌見農夫皆騎秧馬以榆棗為腹以楸桐為背如小舟昂其首尾皆如覆瓦以便兩髀較之偃偻而作者勞逸相半矣乃作歌以遺曾君附禾譜之末

春雲濛濛雨淒淒春秧欲老翠剡齊嗟我婦女行水泥朝
分一隴暮千畦腰如篋首咏雞筋煩骨殆聲酸嘶我有
桐馬手自提頭尻軒昂腹脇低背如覆瓦去角圭以我兩
足為四蹄聳踢滑汰如鳧鷖纖纖束藁亦可齎何用繁纓
與月題卻從畦東走畦西山城欲閉聞鼓聲忍作的盧躍
檀溪歸來挂壁從高樓了無芻秣饑不啼少壯騎汝逮老
鷺何曾蹶軼防顛躓錦鞵公子朝金閨笑我一生蹋半犁
不知自有木馱騃

上權郡孫承議

黃庭堅

公家薄領如雞棲私家田園無置錐真成忍罵加飡飯不
如江西之水可樂飢他人勤拙猶相補身無功狀堪上府
公誠遣騎束縛歸長隨白鷗臥烟雨

上大蒙籠

黃霧冥冥小石門苔衣草路無人迹苦竹參天大石門虎
迹兔蹊聊雨息陰風搜林山鬼嘯千丈寒藤繞崩石清風
源裏有人家牛羊在山亦桑麻向來陸梁媪官府試呼使
前問其故衣冠漢儀民父子吏曹擾之至如此家鄉有米
無食鹽今日有田無食米但願官清不愛錢長養兒孫聽
驅使

彭陂

彭陂之水清且泚屈爲印文三百里呼船載過七十餘寨
裳亂流初不記竹輿啞啞山徑涼僕姑鳴婦聲相倚篁中
猶道泥滑滑僕夫慘慘耕夫喜窮山爲吏如漫郎安能爲
人作嘴矢老僧迎謁喜我來吾以王事篤行李民知虛實
應縣官我寧信口不信耳僧言生長八十餘縣令未曾身
到此

答永新令寄石耳

飢欲食首山薇渴欲食潁川水嘉禾令尹清如冰寄我南
山石上耳筠籠動浮烟雨姿淪湯磨沙光陸離竹萌餅餌
相發揮芥蕘作辛和味宜公庭退食飽下筴杞菊避席遺
芹芹宋詩鈔作萍蓋雁門天花不復憶况乃桑鵝與楮雞

小人藜藿亦易足嘉蔬遺餉荷眷私吾聞石耳之生常在
蒼崖之絕壁苔衣石腹風日炙捫蘿折頰宋詩鈔採萬仞
作挽葛側身委骨豺虎宅佩刀買犢劍買牛作民父母今得職閔
仲叔不以口腹累安邑我其敢用鮭萊煩嘉禾願公不復
甘此鼎免使射利登峩峩

八月十四日夜刀坑口對月奉寄王子難子聞適用

原注聞郡中數月未嘗
有燕遊子難名堯貞

去年對月廬陵郡醉啜歌舞踏金沙今年今夕千峯下新
磨古鑑動菱花寒藤老木被光景深山大澤皆龍蛇西風
為我吹萬籟落葉起舞驚棲鴉遙憐城中二三友風流慣
醉玉釵斜今夕傳杯定何處應無二十四琵琶

廬陵行

王庭珪

廬陵別駕謝公前年初下車適蕭富二盜作亂州
人震恐別駕提兵不閱月兩巨寇縛至麾下境內
遂安今當還朝州人懷之瀘溪王某為
作廬陵行以慰其懷思之意錄以為別

廬陵地控虔與洪孤城斗絕吳楚東連年賊兵塞官路烽
火照夜旌旗紅治中來時正逢此自請按行山谷中禾川
吉水方震動縛取兩渠來豐鐘兇徒披靡拜麾下願持田
器為良農凱歌歸陳破賊狀捷書飛入甘泉宮甘泉侍臣
知姓字天下往往聞其風謂當到闕問邊事邊上如今塵
不起但把長牋寫鳳樓莫說渡河挑馬箠此公淹久佐一
州安用州民遮道留州人老人錯料事此公行立螭坳頭
和周通判永豐破賊

五更盾上閒磨墨夜半遍思破殘賊平明露布已成文倚
馬不知軍務劇初傳別駕下南州人如天馬來西極指揮
猛士驅貔虎坐使威聲馳絕域狂胡背渡西樓山漢皇不
閉玉門關四方羣盜蝟毛起旌旗光拂斗牛間回戈必定
東征去鎧仗如雲光照路捷書飛入甘泉宮插羽鳴鞭氣
橫鶩公家人物世不衰况復詩名天下知探驪得珠何崛
奇更欲盡採珊瑚枝

過蕭瀧廟

瀧江欲渡虹爲橋瀧濤春擊蛟魚跳瀧頭有廟非一朝瀧
民猶傳神姓蕭殿脚插入白鷺腰青原舞翠挹峒堯朱蕤
日出烟霧消碧瓦不動磨青瑤忽然飛電掣紫霄天爲借

怒生奇飈游龍揮雨洗次寥桂花隨落香雲飄百年古木
空中號鼉能擊鼓鸞吹簫官艘賈舶膽欲焦廟前泊櫓不
敢搖楚詞跪奠設漿椒瀧之靈兮或可招

王山次劉敏求韻

李玉璧

東遊喜得最勝處松竹陰森隱雲霧不有穹碑記年月世
人那得知其故太和諸山此爲魁匡仙遺跡多荒苔石泉
六月灑晴雪陰洞有時鳴風雷仙馭當年此飄泊釣魚讀
書有真樂大郎坐化膺王封阿叔飛昇跨仙鶴倦來還過
山僧家地位清高煙景賒滾泉地土坐望从何須煮石傾
流霞

次韻和楊伯子主簿見贈

陸游

齋戒叩頭殘天公幸矣使我為枯蓬枯蓬於世百無用始
 得曠快乘秋風此生安往失貧賤白髮蕭蕭對黃卷今人
 雖鄰有不覲古人卻向書中見猿啼月落青山容舊隱夢
 寂思東蒙不願我冠赤墀下且可短劍紅塵中終年無人
 因良苦眼望青天惟自許可憐對酒不敢豪他日空澆墳
 上土文章最忌百家衣火龍黼黻世不知誰能養氣塞大
 地吐出自足成虹蜺渡江諸賢骨已朽老夫亦將正邱首
 杜郎苦瘦帽攔耳程子久貧衣露肘君復作意尋齊盟豈
 知衰懦畏後生大篇一讀我起立喜君得法從家庭鴈鵬
 自有天池著誰謂大狂須束縛大機大用君已傳那遣老
 夫安注脚杜與伯高程有徽文若皆近以詩文得名於諸公而尤與予善

耒陽令曾君寄禾譜農器二書求詩

歐陽公譜西都花蔡公亦記北苑茶農功最大置不錄如
 棄六藝崇百家曾侯奮筆補多稼儋州讀罷深咨嗟一篇
 秧馬傳海內農器名數方萌芽合君繼之筆何健古今一
 一辨等差我今八十歸抱耒兩編入手喜莫涯神農之學
 未可廢坐使末俗慙浮華

中秋招王才臣賞梅花廷秀待制有詩次韻

周必大

山中無歷記時節望月巡簷探花發適見如來粟布金旋
 看姑射膚凝雪春自春兮秋自秋總把繁枝插滿頭那知
 上界碧瑤洞也憶人世逍遙遊梅花雪片偏宜桂手執新

詩心已醉淮陰若肯過舞陽盧子不差從若士

題龍泉李宗儒兄弟槐蔭書院

君不見漢京辟雍載黃圖博士直舍三十區分行數百曰
梳市下有諸生講唐虞又不見本朝肇啟邇英閣稽古隆
儒號經幄風清枝翠似交舞日暖花黃時細落原注東坡
入侍邇英
閣絕句瞳瞳日脚曉猶清細細槐花暖自零又為內翰謝
御書詩云日高黃繖下西清風動槐龍舞交翠注閣前有
槐枝如龍形君家欣慕名書齋伯仲方將與計借橋門且倍億
萬計朝路終馳十二街義柳一本文筆妙天下引喻牛行
相君舍勉哉植德企前修他日兒孫攀逸駕

錢守青原瑞靄圖

原注已丑夏旱得
雨有獻此圖者

青原臺成知幾春倚欄但愛江山新那知遇事發可秘使

君著眼惟憂民魯臺當年有故事首驗雲黃期歲美鳳翔
仙伯記新亭不忘遊觀名雨喜紛紛烟靄何足祥豐年土
瑞不可忘江頭白粲連萬櫓賸與官家實太倉

寄題龍泉項暉與瀘溪書院

楊萬里

三顧先生得麟筆付囑遺經分得一獨將麟隨飲澹翁項
家阿英亦其一澹翁孤思貫兩儀阿英卓行徹九扉旌門
一日插天半卻把此筆傳阿宜阿宜阿立續弓治瀘溪書
院聲無價不論當家與外人不日天池看鯢化原注忠簡
胡先生與
項德英同師蕭子荆先生傳春
秋學蕭先生自號三顧隱客

賀胡守寺正

廬陵新事一奇絕老農七年不識雪使君領取六花來一

夜九天開玉闕萬家鑄作銀樓臺千峯琢出瓊崔嵬頻歲
早魁崇穉稔來秋雲子如芋魁老夫與雪亦久別滕六參
儂求譜說爲渠拈此一瓣香今身胡然全身黃只愁潁川
歸廟堂不愁寰宇無豐穰東閣官梅應解語綠毛么鳳仍
能舞合詞再拜壽使君滿爲天花中玉醕

送吉州太守胡平一寺正赴召

憶昔乾道遊碧水君爲秀孝儂博士逮今嘉泰歸青原儂
爲州民君刺史人生離合風中雲白髮相逢有幾人與君
相逢又相別不待折柳眉先顰如君豈弟民父母春風風
人夏雨雨忽然一夜飛秋霜驚殺雁鷺乘豺狼敗聲無翼
到天上玉皇詔君登廟廊郎星卿月小借路金華玉堂卽

高步中興賢關育鳳麟向來未有秉鴻鈞祇今丞相破荒
了第一衣鉢當傳君

賀吉州李守臘雪

任侯妙手作廬陵民歌敏惠如神明歌聲動天天降瑞一
夜幻出瓊瑤城麗譙一新玉樓現郡治別起銀色廳曉上
青原臺上望千門萬戶皆水晶八邑山川三千里盡種琪
樹璣爲英幕僚秉燭爭入賀老夫抱病獨僵臥寄言賀客
此未奇來年玉粒滑流匙萬艘眞珠貢京師老夫已草周
頌豐年詩

送吉州通判趙德輝上印赴闕

太守九秋霜通守三春風太守鏡照膽通守淵涵空古求

詩徵
三十一
人才在寒士皇家人才在宗子君看二趙作廬陵寬猛晦
明兩相濟太守已乘八使車通守合分五馬符行看二趙
俱法從老夫別獻中和頌

上元夜里俗粉米爲繭絲書吉語置其中以占一年
之禍福謂之繭卜因戲作長句

去年上元客三衢衢雨看燈強作娛今年上元家裏住村
落無燈惟有雨隔溪叢祠稍簫鼓不知還有遊人否兒女
炊玉作繭絲中藏吉語默有所小兒祝身取官蚤小女只
求蠶事好先生平生笑兒痴逢場亦復作兒嬉不願著脚
金華殿不願增巢上林苑只哦少陵七字詩但得長年飽
喫飯心知繭卜未必然醉中得卜喜欲癡

送曾無逸入爲掌故

古文江水走玉虹我家水西君水東有時相思卽命駕連
牀夜雨聽松風中間薄宦各分散南飛駕鵝北飛鴈朝來
驛騎打譙門有客有客來相見聞君攜家入帝京椎鼓發
船天上行也能枉轍九十里來訪江西道院僧詩家兩仙
宿臺省紅藥蒼苔紫薇影若問山僧作麼生日晏鶯啼眠
不醒

送鄒元升歸安福

我昔見子盧溪南炯如玉雲照晴嵐子今訪我南溪北凜
如駭驥成骨骼袖中文字細作行讀來病眼生寒光尖新
句子入時樣故應破陣翰墨場春風春雨春山路童子能

來愁子去故人一別二十年且對青燈夜深語

過白沙渡得長句呈澹菴先生

收紅拾紫消幾許也費一春強半雨不辭長江萬波阻來
聽先生夜深雨尚憶向來待樽俎微雪斜飛小梅吐先生
半酣染霜兔金章玉句空萬古今年寒食還相聚明年寒
食知何處只道先生押班去不道先生折腰苦

題太和主簿趙昌父思隱堂

西昌主簿如禪僧口餐秋菊嚼春冰西昌官舍如佛屋一
物也無唯有竹俸錢三月不曾支竹陰過午不晨炊大兒
叫怒小兒啼乃翁對竹方哦詩詩人與竹一樣瘦詩句與
竹一樣秀故山蒼玉搖綠雲月梢風葉最關身勸渠未要

思舊隱且與西昌作好春

題永豐劉伯英雙清亭

銀河一派天上來霜松萬本水際栽公幹作亭占佳處攔
住清風入窻戶醉餘綠綺膝上橫學得松聲與水聲更待
九秋月亭午白玉壺中有新句煩君赤手雙拾取

送吉州解魁左人傑詣大常時年十四

高皇一馬化龍日臨軒策士誰第一玉山山下汪端明年
才十八第一人聖人來年集英殿黃纒中央橫玉案何人
再續老尚書永水左家千里駒春秋三傳貯胸臆買紙待
購晁董策君才盍與汪相先君年更少汪兩年

寄題萬安蕭和卿雲岡書院

君不見南軒先生以道鳴嶽麓書院陶諸生又不見晦菴
先生妙經學廬山書院榜白鹿吾鄉蕭君八葉孫雲岡築
齋高入雲芝蘭玉樹爭績文江湖鵠袍爭駿奔願師朱張
兩先生駟馬高車塞里門

郡中送春盤

餅如繭紙不可風菜如縹茸劣可縫韭芽捲黃苣舒紫蘆
蕪削冰寒肌齒臥沙壓玉割紅香部署五珍訪詩腸野人
未見新歷日忽得春盤還大息新年六十奈老何霜鬢看
鏡幾許多翹生嗔人不解事且爲春盤作春醉

送永新杜宰解印還朝

去年謫仙初弄兵永新縣前戈劍腥杜侯不持一寸鐵閉
閣堅臥民不驚軍前米作山谷聚木牛流馬安用許但合
綠林無點塵何須爛額畫麒麟紫皇急才宵不寐斯人合
着班行裏速騎疋馬謁明光夜來溪風吹玉霜

丞相周公招王才臣中秋賞桂花寄以長句

素娥大作中秋節一夜廣寒桂花發天風吹墮綠野堂夜
半瑤堦丈深雪梅仙不知天尙秋只驚香雪點梢頭笑隨
玉妃照粉水洗妝同入月中游晉公賞梅仍賞桂獨招子
猷雪前醉明朝有客訴天公不喚香山病居士

題安福劉虞卿敏齋

君不見杜家阿宜開雪窗日讀十紙月一箱君不見崔家
阿立染霜兔暮作千詩朝百賦讀書臺北卯金刀齋中不

種李與桃滿堦只種書帶草黃金非寶書爲寶郎君玉樹
臨風前咀嚼青竹夜不眠何須多羨崔與杜諸郎努力青
雲路

寄題安福劉道協漏翠樓

讀書臺南山繞屋恰是萬簪削青玉讀書臺北山更多又
似碧海躍萬波臺邊高人子劉子架樓南北山圍裏醉中
領客上上頭忽驚平地翠浪浮一浪拋雲入天半眾浪翻
空溼銀漢碎轟打倒闌干前天跳地踔乾坤顛賓主拍手
呼釣船定眼看來還不然只是南北幾點山

和王講師食官長吉州俸米飯長句

元吳澄

公不見鄭老襟期人未知杜陵野客道是真吾師豈嫌官

冷飯不足令人傳播坎坷詩又不見王子求仙未當癡餐
松啖柏自可求不饑得浮邱公接引去吹笙大醉真絕奇
如何白頭鰲頰黃塵裏闔山千里趨江湄怪事怪事一怪
之有鉢誰爲先生持先生莞爾笑余陋天涯海角只此藤
一枝片雲孤鶴任飛去雙轂隻履不要提逢人得醉且共
醉烏論行藏近遠宜不宜主人肯與飯一匙可三千載不
語離吉州米價何足問東廣等處皆當爲吾發運充度支
我笑先生太貪饒何異啼叫索飯兒假饒便便經笥作飯
袋舍衛大城千百十眾一食無猜疑瀾翻三十二句偈不
肯割捨一飯恩愛將報誰先生微笑面壁西答云未可三
千二相觀如來吾言元非真語實語者觀吾要在大寐不

食無言時

飲南山故居

劉詵

旛竿東峙彭家寨鹿角南繞劉家村彭家旗檠落草莽劉
家衣冠遺子孫百年風土又一變叢林光壑池成塹山亭
楊柳驛馬坊官道豫章北商店喆人令族困屠沽曠夫互
郎高門閭故家兄弟日益少惟有老夫長眉鬚少壯幾何
忽衰懶歡樂無多飽憂患天寒木落砧乍急日暮門空客
初散餘年定有幾還鄉倚杖秋風看飛鴈

萬戶酒歌

泰定乙丑真定吳侯來守廬陵議行萬戶酒申請垂定郡民預喜賦詩相賀

城中禁釀五十年日斷炊秭江東烟官封始運桑落甕官
隸方載稽山船務中稅增沽愈貴舉盞可盡續千先生

嗜飲終無錢指點青旗俱流漣今年忽縱萬戶釀處處爭
說邦侯賢富家遶郭買秭田小家盆盎爭濯泉開城曉避
麴車道築室夜盞糟邱埽便將相如舊渴吻一吸擬盡長
鯨川老翁童穉喜欲顛秋醉月下春花前豐年五穀賤如
土市上遊人歌復舞歌復舞邦侯堂有八袞母共飲蟠桃
幾千度春風吹醉九九州公但飲醕丞相府

平園衰柳

周益公舊居

城中書樓天下奇碧玉流水長虹堤堤邊柔條一千尺鵝
黃裊裊春風垂居民異代起華屋此物已槁不忍移豈無
他樹好顏色不忘丞相手種時

吉安老人詩

并序

揭傒斯

吉安老人者劉士表叔正也百有一歲而聰明康強好善不倦其小同歲翰林曾異初請賦述其辭作是詩

吉安老人一百一顏如春花眼如漆肥肉大酒飲且食兒
兒啼孫繞膝行不扶杖夜讀細字風雨疾鄰里好事時相
覓朝出門歸必及月出歸路行且歌歌復笑啞啞且問老
人平生何所為壽且富身康強子孫賢無匹云是家世為
儒又不能服食求長生世世惟好德天既假我以年未省
欣欣與戚戚居無行輩可同語後甲同生子孫已盈室且
有高官職幸遇天子聖且仁天下無似我老得自佚一聞
老人言豈但金與石千金之藥可廢老人之言不可失老
人行年一百一一復一生生之數何由畢天長地久何由

畢

和王希夷廬陵觀梅

希夷西遊廬陵觀梅邵圃興山中友朋之感如履祥者因山中

之一人也讀之既然因次韻

金履祥

歲寒堂前桂樹秋秋風浩蕩君西遊羨君充此四方志望
塵何異登瀛洲人生難得心相識况君與我心相得君心
何似似梅花雪霜不改馨香德顧我思君日幾尋歲寒又
見梅花春見人不見故人面空咏梅花如故人月明千里
雖同致疇昔追隨今少異始信燈窗朝暮同此會人生良
匪易噫吁嘻安得彼此長似歲寒枝清芬處處同襟期

廬陵劉老人百一歌

袁 桷

昔聞寧皇嘉定時平淮如掌糧如坻襄陽高屯十萬卒武

昌金埒饒軍資西蜀環山堆錦繡滔滔南紀喉襟首峩眉
積雪不動塵玉壘浮雲古今守當年行都號全盛翠箔珠
簾爭鬪勝西湖不識烽臺愁北關已絕強鄰聘寶慶天子
來自外郎朝諸侯土疆日窄邊庭憂大帥偃蹇藩鎮侔小
壘推剝租瘢稠春城絃管暗烟雨四十一年變滅同浮漚
咸淳太阿已倒持銅山之賊專宮帷樓危金谷山鬼泣舸
走白浪江神悲老人年周一甲子至元大帝車書合文軌
每話承平如夢中萬事東風過馬耳只今行歲一百一坐
閱天地同昨日秭歸聲苦紅葉翻邯鄲睡熟黃梁失門前
手種青桐百尺長笑指截取諧宮商少君荒唐方朔誕不
如老人親見深谷爲高岸我孫之孫爲元孫翔鸞峙鵠高

下飛集駢清門憑公欲補先朝事濡毫更作長生記

題鄧家婦王氏詩卷

郭 鈺

青原之北書臺東高官厚祿多才雄一死獨稱鄧家婦立
身豈在文章工黑風吹沙舞魑魅劍花凝碧血流地紅顏
薄命誰不憐高風能使男兒愧鄧侯莫傷鸞鏡空入夜招
魂歸故宮結髮深恩不相負今日始見修齊功茫茫世事
東流水鄧侯容髮今何似鬢宮有井井有人重到讀書須
向此

溪西靜者爲安成周鼎傳賦

先生下筆妙天下好從天上騎天馬卻將富貴等浮雲自
號溪西之靜者溪西池館門常關綠陰滿地清晝閒棊聲

不聞賓客退先生夢到西夷間世上名利爭睹命誰是先
生獨能靜心涵太極易書存吟到盛唐詩律定我今結屋
萬山中出處似與先生同南州久已無高士牀下終朝拜
德公

題秋江送別圖送楊亨衢少府參安成軍事

楊少府紫駟馬黃金鞭團花戰袍繡兩肩腰下珣弓懸迥
若秋鷹解條鏃縱之颯颯凌千仞之蒼烟酒酣拔劍玉龍
舞喝令西飛白日回中天簸海腥風白波立壓空殺氣元
雲連緣邊諸將亦無數晝擁旌旗夜搥鼓豹韜合變待參
謀太守掄才君獨去送君江上君甚懽江風吹雪蘆花寒
知君心事如秋水故應寫入畫圖看問誰畫者謝君績不

畫琵琶美子泣舟子揚帆發棹歌主人解劍停盃立我亦
從軍今四年男兒姓名何足憐老親白髮長相憶只得還
家種薄田

贈劉子倫

廬陵周愷文章伯語語談君不易得嗟余終日走風塵到
今未覩真顏色聞君早歲抱奇節胸中磊落太平策玉龍
霜冷光欲飛蒼隼秋高影孤掣交遊四海多才傑自合貢
之天子闕綵筆題詩衡岳雲畫船搥鼓西湖月衣冠王謝
自風流賓客秦黃最超越往年仗劍奮忠烈戰袍紅濺髓
髓血草檄未吐陳琳詞種柳已近淵明宅酒酣氣漲激天
風一聲長嘯層崖裂登山臨水愴忘歸聽雨看雲頗愁結

茫茫世事應難測，英雄莫遣頭空白。寒盡春生剗雪霜，海濶天高排羽翮。何當攜手銅駝陌，蓬萊羣仙朝帝側。醉浥溟波鱸六鰲，老懷浩蕩從君說。

埋冤樹

周霆震

郡城西郊官道側有樹名埋冤往來必於此少息因賦託興庶幾有位者聞而動心焉

出城十里西南去，行役經過倦休處。崔嵬古幹落蒼藤，相傳此是埋冤樹。樹名那得呼埋冤，閱人累歲官道邊。朝呵械繫逮詞訟，夕敝鞭撲通稅錢。富豪招權逞濫入，孱弱破家哀子立。幾人飲恨淚徹泉，樹不能言天為泣。埋冤得名良可悲，郡中守令知不知。

征西謠

邑同知線去歲領兵西行嗜利深入寇垂險迫之委其眾奔還義丁積骸遍野存者十無二三郡吏受賕舞文未減其罪今復承檄來南路吏之費悉取償焉

去年征西喪師旅，暮夜懷金首如鼠。吏弊嗜賄務欺瞞，僉謂罪疑兵氣沮。一官失律忍致刑，萬夫性命何其輕。羣邪逞志忠義屈，無怪寇至無堅城。今茲又復遷南戍，漁獵編毗償宿負。紛紛行伍被餘風，迎望賊旗盡回顧。竊聞上方龍劍昨哀鳴，為我提此斬血官街淋。併取貪吏劊其心。

悲東姚

州東姚正叔奮起擊賊不受爵賞一門死事數寇連歲不得逞志安成正叔力也乙未夏五月袁寇悉銳而進衝頭眾皆正叔潛與寇通間道直抵砦下正叔麾所部力戰舉旗招援兵監普刺同知脫歡答失蠻擁兵咫尺素忌其能眾踴躍來自效二人力過之姚死安成陷寇遂根盤姚所居小橋頭

過者無
不流涕

吾州姚氏城東營四年殺賊不為名一門忠節死相繼報
國何重身相輕無端毒蛇生肘腋衡頭之人噓送黑雲朝蔽日
條鷹咫尺呼不來監州同知瞬息東藩失堅壁老姚忠血赤貫
天江南野史何人傳殞身三世匪官守異日合賓忠臣先
郡兵北來思蓄銳羣盜憑城轉無忌請看婦女與兒童說
著姚家總垂淚

城關曲

兵部尚書黃昭奉詔遠出按兵撫建間其營經歷
伍章安成醫生也榮遇京師出黃幕下自礪抵占
以督兵為名招權納賂郡守梁水寨都事吳相與
玩寇偷安酒食徵遂無虛日殆承平時所未有

雞鳴海東黃塵起落日關山氣如水餘民隨竭欲無生月

費給軍須萬計尚書前時來使臣近者太守宴將軍割鮮
飲醕互來往白晝走馬邀紅裙布衣小儒寸心赤咄咄書
空長太息閭閻無奈覆盆何帝禁九重方肝食

郡城高

郡城高昔人隳廢今人勞城中居民負土石城上畚鍤卒
伍操去年外壕深地底吳員外張錄事今年內城插天起紅紅旗
東接漢陽山白壁西沈贛江水江參政杵聲未改築者殊人
事往來如傳車荒碑斷礎悉興致仙宮梵宇空無餘懽呼
攔街走童孺明年移家城裏住抱關舊卒鬢垂絲淚墮鴉
啼城下樹城堅池浚俾金湯此地他年為戰場

玉帶生歌并序

張憲

玉帶生端人也事文山丞相為文墨賓與同館謝先生期友善宋華丞相殉國死計聞生與號哭於西臺之下復憫宋諸陵暴露私相蓋覆識以冬青木而夫後嗣道卒生今歸會稽抱遺老人與秋聲子輩為寮中七香初宋上皇以丞相恩賜生紫衣玉帶至今不改其舊服生為人端厚強記默識不妄開口丞相素重之呼召不以名相曰玉帶生故作玉帶生歌

鸞刀夜割黑虎尾碾作端溪蒼玉砥花鑽鐵面一尺方紫霧紅光上書几銀絲雙纏玉腰圍翡翠青班繡紫衣金星鵠眼不敢現案上墨花皆倒飛景炎丞相魁龍榜撫玩不殊珠在掌背銘刻骨四十四血緣至今猶可想謝公古文今所師西臺一慟神血垂獨持老瓦出門去冬青樹邊書憤詞天翻地覆神鬼怒九廟成灰陵骨露廬陵忠魂上騎箕流落端生何所寓抱遺老人人生計拙愛把文章寫忠烈

霜毫一夜電光飛不必矮桑重鑄鐵

送羅與敬歸西昌

劉永之

石龍磯畔多芳草游子憶家春已老水北楊花撲地飛旁人漫道飛花好愛子不忍別送子到水濱青天孤影飛黃鵠落日長風吹斷雲朝發銅塘津暮宿青泥渡帆過孝通祠漸是西昌路金魚洲遠樹青青三顧浮烟生杳冥石扶壞道通高閣水齧危沙見古城君家正在何方住獨有園廬俯江渚昨夜深閨夢遠人相思定倚櫻桃樹

用歐陽文忠公神清洞韻題羅士鼎米元暉神清洞

圖三首

何中

潁陽之山翠煙深仙人不見勞我心蒼峯峩峩照空廓白

雲欲飛石欲落此中不著人間客採藥歸來花滿石想當
飛鳥墮層崖數聲清嘯驚瑤臺緱山蒼蒼今在眼舉手招
之殊未來

潁陽之山夜鶴飛仙人不見歸何時神清之洞有幽客應
向洞中煮白石洞前巖下仙家春幾片落花雜飛溜高下
樓臺縹緲霞綠樹不老青山壽王生邢子意殊勤恨我隔
此浮空塵安得碧雲千萬疊栖此人間謫墮身
元暉昔作江西客夜飛黑花曉無跡春風留此二百年赤
是山中至人識百千黃金雙白璧鵝溪白璽纔數尺潁陽
山高風露寒幾處高堂掛生色

題溪山春曉圖寄贈蕭翀

明劉崧

土山戴石石角傾偃樹雜出如幢旌青天微茫曉色動雨
氣合沓千峯晴野橋西邊有村路之子鳴鞞踏雲去重巖
花發似聞香隔水鶯啼不知處東南連年飛戰塵如此山
水何清新石田到處長荆棘豈有荷耒春耕人我昨西遊
登武姥手扶雲霞望仙府把酒忽逢東海生醉臥溪南紫
蘿雨紫蘿陰陰覆巖扉十日尋幽行未歸雲峯流泉半空
落六月飛雪霑人衣拂衣歸隱知何日卻對畫圖心若失
不聞流水渡溪還時見浮雲向山出懷哉桃花修竹林江
梅秋高煙霧深豈無耕釣在田野誰識悠悠沮溺心

曾郁文短歌

澄江水向東流流向西昌江上頭我有故人在江上十年

不見增煩憂白沙水聲寒活活黃巖雲氣凝清秋豈無沙
棠柀吳女謳可載酒同遨遊狂風吹山波浪惡使我不
回輕舟翩翩雲中雙飛燕銜書寄我頻留戀書中展轉道
深情但恨相思不相見春燕飛來不復歸報書不遣壯心
違碧蘭紫蕙何由采即恐蕭條霜露稀

風俗

鄉民信鬼不信藥東鄰刺豕西鄰禱捐金買紙作冥錢疊
束整齊巧鑿鑿圓如榆莢薄且輕簌簌不作金銅聲蔡倫
以前未製造病者必死應無生人生奔波冒寒暑爾自有
病鬼何與主人邀巫強乞靈昵昵致詞撒神精席茅藉草
堆紙錢燭火一烈紅滿天四鄰高賀得神福滅燭高臺饜

酒肉

美危孝子詩 并序

廬陵危可夙性至孝歲乙巳郡城大饑可夙出營
粟於城西三十里之橫溪既暮弗得念父失所待
欲他適又恐貽其憂乃匍匐而返及涉小溪忽見
魚躍入襟抱間持之以歸急取酒為壽招鄰翁共
飲之親則大悅以為天之賜也若有感之者好事
者繪為圖以傳而敏修彭先生為之序其事甚悉
其友人劉荆生復追厥之以詩

吾聞至人之信可以及豚魚後來王祥與姜詩得魚奉親
事匪虛念此危生孝且隻遭此歲大饑手持黃金糴無所
朝辭老親出門去暮及橫溪淚如雨親之饑兮孰予哺蹇
予裳兮予返濟乎中渡忽撥刺以上躍波騰沓而中開口
噉喙而欲語嗟爾孝子其何來吾寧抱持以歸止上堂見

親親色喜囊中有魚乃無米魚可食酒可酷喚取鄰翁相
與娛今日可飽不願餘嗟哉危生天所矜感適所遇非其
能我願四海長豐登煮魚炊飯甘旨并順孫孝子曰烝烝

賦金銀山送蕭茂才之遂江並柬周用性

金銀兩山蔚參差我昔西遊曾見之石臺照耀落日紫下
暎流水光離離干戈蒼茫隔煙霧清秋送子山中去淪落
同悲鴈塔人登臨更賦龍門句水北山人鬚髯蒼十年寄
書不得將君去相尋定相得卻望兩山心惻惻

于源泉哀詩

梁寅

吉安上郡多君子為珠之合浦為玉之藍田柘江之上里
稱穀平李氏世居族綿延吾哀源泉先生生為元士不濡

元祿危行皦皦逸才翩翩其先在宋之季年兄弟二人同
廬親墓木生連理孝通於天天子詔旌門賜號兩處士能
辭好爵俱泊然無求處士乃兄號先生又其七葉之曾元
杞梓之林不生惡木鳳凰之穴不生鷹鷂忠孝門庭有忠
孝才賢嗣續有才賢先生心貫千古氣雄千夫奈何沈鬱
過百年時目擊漢中抱璞乃竟旋論兵風塵際繡澀悲龍
泉江右吳夫子玉堂告老歸臨川先生早居弟子列道窺
百仞之靈淵常嗟師門多叛士先生志雖謁闕棺名乃全
水渾珠自媚火炎玉逾堅行年六十又加八志如伯玉恒
省譽我生猶在先生後恨不識紫芝考德於生前喜今有
子誠能子寄我訣此篇章聯為之惻愴歌薤露幽魂可弔

知此心悵悵

萬安縣丞萬鵬舉能理冤獄縣之好事者求進士顏

中偉為叙其事因賦以美之

萬安本巖邑僻居萬山中萬侯為丞如水鏡能照冤枉除
奸克山村之民有鄒氏寇魁結仇毒無比虎狼搏噬百獸
愁父子五人同日死寡妻詣縣官侯獨矜其冤五蜂飛繞
坐喧喧如欲言心思五蜂即五鬼鬼憑於物精靈存隨蜂
往尋屍具在獄成一日形無返吾聞黃雀銜環後人貴又
聞竹橋渡蟻登上第此蜂有靈德不忘侯當進爵家蕃昌

盧志安云萬丞理冤事已詳宋濂書狀梁寅此詩紀實非同苟作特為補錄以彰吏治

寄周吉士

育原白鷺城迢迢下有文水明珠橋閭閻撲地鐘鼎食多
是先朝舊宦僚周家雙井名最久華萼堂深介眉壽天章
奎畫動星躔大冊高文垂宇宙昔人作郡多仁恩耄倪臥
轍留攀轅遂令奕世有家族千里百里棠陰連白沙翠竹
槎溪上別墅山泉恣幽賞百年嘉慶毓英賢二十青春登
虎榜鳳凰池上忽相逢卻憶垂髫歡愛同風波萍梗蕩離
合日月夢寐隨西東禾川送別情何極龍田立馬看山色
對月高歌共扣舷簸蕩元潭老蛟窟畫船曉發清江湄望
望庭闈思欲飛平原綠野有真趣西洞溪橋勞夢思前年
重會箕山下獨鶴孤琴暫瀟灑當時霜雪徧郊原但見青
松與梧檟願君且保金石姿岸芷汀蘭堪佩攜與爾重尋

舊時約青山白首同遊嬉

廬陵城西玉虛觀

廬陵城西有黃壇五岳秀拔當天關黃君昔年此煉丹瑞
霧條燦霞采殷龍光騰騰霄漢間井水玉液温可餐丹成
白日遊區寰陟降珮玉聲珊珊餘光下燭疑可攀星冠雲
集振路班棟宇金碧垂雲爛祝釐祈祥夸險艱福慶大來
若河山稽首上帝不違顏五風十雨如循環

昨見伐木謠詞甚愴意甚真深足以見一時之事俗

賡之

蕭儀

永樂四年秋起夫只今三載將何如無貧無富總趨役三
丁兩丁皆走塗山田雖荒尙供賦倉無餘粟機無布前月

山中去未回縣檄倉忙更催去去年拖木入閩關後平山
裏天正寒夫丁已隨瘴毒歿存者始惜形神單稚子多孤
母多老幾度臨門歸望早火伴還家始報音遺骸已潤荒
山草官家役薄未除名孤兒孀婦仍登程去年丁壯已殞
歿今年孤弱知無生君門如天多隔阻聖主那知萬民苦
但聞木數已將完王事雖勞莫懷土

壬寅紀異同劉以和賦

王沂

壬寅仲春天雨雹南屏城中盡驚愕初從屋瓦亂崩騰散
入階除更跳躍兒童不識挽衣盛兩兩相看恣相譁老年
閱歷憂患餘卻顧兒童淚雙落春秋咎徵不一書茲事班
班宛如昨自從兵變十年來瀕洞風塵巨沙漠奮當車轍

言錄所志 卷五十一 詩徵 五十一
小物爲天理何嘗宥元惡竊聞李郭收兩京元氣依然萃
光岳旄頭夜夜燦中天風虎雲龍聖人作嗚呼風虎雲龍
聖人作吾徒勿憂在溝壑

鍾小吏

周是修

忠臣必世有烈女何代無倬彼鍾小吏忠烈夫婦俱生同
室廬死同穴此心一誓永不渝奈何一朝遭喪亂六合四
海馳兵車湘南草賊威頗振湖廣舟師氣尤麤據袁陷吉
旋破贛百官竄匿民剪屠驅令降服共剽劫軍中指點煩
所圖鍾文大罵惡賊奴肯將麟驥隨牛驢忠肝義膽彌激
烈賊乃甚怒劊其軀其妻見之亦號呼投井伏溺從其夫
後來死者亦無數堅銅直節誰能如我朝開國天所命我

皇建業地所扶大軍晝夜急凶土神收電掃不足除春風
熙熙轉寒谷甘雨沛沛充旱壟危者以安流者止唯有死
者無由甦嗟哉鍾文不可得死去當隨巡遠居傷哉其妻
亦莫得列傳所載皆相逾借台國史一遺落此人此死真
何辜一爲鍾文歌只且奸諛比比穢青史可滅鍾文夫婦
歟

章三益匡山行

後作

李 羣

仙人休吹紫鸞笙聽我一曲匡山行青蓮居士讀書處至
今石室丹霞明龍泉西南百餘里四面崢嶸翠峯起先生
結菴當畫圖正與匡山景相似屋前屋後皆種松坐看百
尺蒼精龍苔皮深含霜雪古鐵幹返走風雲從一亭下浸

蒼波冷縹緲烟雲成萬頃中有神魚長比人翠鬢翻動玻
 瓊影一亭上與浮雲齊赤闌干外青天低分明投壺笑玉
 女彷彿出海聞金雞東南一亭隱林樾地位清高隔炎熱
 人間赤日如火流疏簾琅玕自蒼雪最其秀者環中亭周
 遭萬朶芙蓉青朝來爽氣落吾袂蘿風吹日天冥冥鶴怨
 猿驚歸未得繡衣今作青雲客故山回首五情遙歸夢時
 時到寒碧自古山林鐘鼎同先生況有前賢風少待功成
 拂衣去入門依舊山花紅

輓康節婦陳氏歌

尹昌隆

康氏母生命何孤年逾二十夫遽殂堂上老姑髮種種襁
 中嬰兒泣呱呱幾度深閨腸欲絕琅琅灑淚崩城血不羨
 桃李鬪春風寧將機杼鳴秋月玉質能全亂後身辛勤教
 子真且瀉子既承家身亦老何慚泉下見良人人生萬事
 竟何有惟有芳名垂不朽高門翼翼凌通衢路上行人總
 回首

題蕭編修南溪草亭圖

王直

故鄉迢遞七千里最憶南溪好山水一別蹉跎二十秋日
 夕瞻望心未已武功突兀凌昊蒼向西遙對鼓樓岡羣峯
 逕迤迤幽谷虎豹騰躍蛟龍翔君家溪上往來久溪水清
 冷綠於酒百年喬木今更蕃萬卷遺書舊常有重門大宅
 臨路隅藉藉聲華誰得如堂中長置高士榻橋外頻來長
 者車小亭閒暇坐忘倦好景知君吟已徧俯仰乾坤入混

茫開合風雲盡奇變幾年出入青瑣闈今日承恩始得歸
遂令松竹長顏色亦使泉石生光輝蕙櫨蘭橈終不改且
可須與窮勝概玉堂金馬多故人對酒論文總相待李生
作畫雕罕倫看畫豈若壽其真東風芳草萋萋碧惆悵天
涯老卻人

題三華書屋圖

三華山在西昌層峯叠嶽入霄漢十洲三島遙相望山中
老仙風骨強彩霞爲衣霓爲裳祥鸞威鳳駢翱翔胸臆三
色皆文章有時和鳥向朝陽天風吹下聞四方忽然一去
凌穹蒼安期羨門紛頡頏紫壇蓀壁木蘭堂玉書金簡堆
滿牀川君嶽靈謹秘藏草木衣被昭回光我懷老仙心不
忘手持椒醕瓊漿糗招之直上雲中岡仙乎仙乎歸故鄉
毋爲使我增慨慷

吉安太守陳侯九年考滿郡人乞留事聞詔增給三
品祿俾復任詩以送之

廬陵古名邦雄視大江右自從爲郡凡幾年禮樂遺風尙
如舊陳君本是英傑姿致身况遇全盛時含香載筆事明
主藉甚能名天下知一朝被薦起郎署承恩卻向廬陵去
彤韞皂蓋領專城甘雨和風滿行處於今已過十載強奏
功北上朝明光耄倪奔走競牽挽留君不住心徬徨徬徨
不能留奏疏聞闕下河內深期借寇恂潁川尙擬歸黃霸
誰云天聽高還解從民欲賜之五色書加以三品祿都門

十月送君歸霜清木落鴻鴈飛采采黃花欲爲別馨香吹
滿行人衣我昔京華相識早猶想歸田託君老知君才行
似古人此日重臨慰懷抱白鷺洲前江水清九邑衣冠擁
馬迎詩書表相各安業豺狼魑魅宜收聲陳君陳君慎終
始更立勳庸報天子思歌豈弟繼周詩豈但循良登漢史
自題丁玉川所贈歸老圖

我家西昌大江上山水娛人最清曠自慚衰朽八十餘日
日登樓向南望聖朝致治登唐虞詔書特遣還幽居奉天
門下拜恩出絕勝當年漢二疏公卿相送不忍別楊柳新
條不堪折玉壺美酒且盡懽慰我天涯獨歸客兩京宦轍
何悠哉倦遊喜賦歸去來鄱湖水暖鴈語寂洪崖月落松

聲哀揚帆卻過章江游誰識滕王舊舞歌玉虹翠浪天際
來魚浦龍淵自今古故交零落心惘然不見徐君見玉川
揮毫作畫與我別贈我更上螺川船到家正是春光暮曲
巷閉門無舊故蕭條騎從奚足憐憔悴容儀復誰顧老懷
百事皆任天杜曲幸有桑麻田秋風林下禾黍熟醉中擊
壤歌堯年

螺浦歸帆送友人郭宜倫歸廬陵

周忱

東南勝地稱螺浦隱隱樓臺瞰江渚撲地弦歌接遠村迷
津舸艦通行旅與君故里近層城姓名同在魯諸生少年
結託最知己青袍鼓篋陪羣英素王宮外垂楊陌朝出相
從暮相即詠歸亭上春風和對榻牕前秋雨滴別來轉瞬

十餘秋夢中煙樹情悠悠鄉園羨爾獨瀟散京華愧我空
淹留薊門昨者喜相遇客舍青燈對良晤依依不盡故交
情歸帆又挂長河去歸帆此去路幾千朔風吹送南歸船
侵晨已逐邊雁發入夜還同明月懸行行忽復經齊魯涉
泗論淮入三楚嚴程終日念庭闈白雲望望依螺浦望依
螺浦算還期繫纜重攀汀樹枝鬢宮舊侶儻相問殷勤爲
寄長相思

壺山歌

吳節

壺山嵯峨白雲裏四面岡巒一溪水境開壺外見高原地
入壺中聚幽嶼竹籬茅舍環陂陀白石清泉連澗阿溪橋
烟暝行人少厦屋晴明幽意多君不見壺邱子磊落胸懷

富經史誨成列子解遊仙御氣乘風行萬里又不見懸壺
翁翻身一躍藏壺中豈知包括有天地五雲臺殿相玲瓏
蹇予素慕壺山樂來墾壺田結書屋只將稼圃爲生涯豈
料軒居在空谷仕途一去三十年今來幸喜歸林泉舉觴
邀月壺邊坐隱几迎風壺上眠比鄰酒熟邀同社暫豁襟
懷淡如也不言天上盛繁華且向壺中叙清話有山可樵
田可耕有書可讀遣諸昆若論世上奔波事不及壺山一
段春

捕蝗歌

楊穉

捕蝗捕蝗日當午東村捕到西村去大家小戶不敢停豈
惜丁男并幼女官家文字如流星蔽野蝗蟲亦如霧今日

打明日捕蝗日滋兮民日苦德政修崇民害祛會說中牟
 好明府仰吞一蝗還誓天猶載唐家太宗語大江之北昔
 多蝗誰信江南遠如許嗚呼民害豈獨蝗亦有虐政猛如
 虎

風俗

譚昇

泰和自昔稱忠義風俗近來亦少異縣庭詞訟日紛然十
 有六七告墳墓東家墳地被暗侵西家墳地遭強爭崇禎
 拜哭事常有元豫劫伐風盛行無識小人固無理讀書士
 夫亦如此恃權怙勢撓官司僕忝縣令能不恥吾聞富貴
 皆天生勸爾達理休妄行彼人懦善可欺得祇恐天道難
 為情

龍泉王思誠重修大豐陂落成

鍾璣

遂江南流急於馬一道澄陂灌平野春雷一夜轟九淵舊
 基已逐潛蛟化公家修築雖及時積薪架木同戲兒洪濤
 乍驚還復決夏畦寧免妨耘耔高田碩德真豪傑一旦欣
 然展謀畫造舟載石仍鳩工率眾揮金未嘗惜新成石甃
 順水中宛若迢迢垂飲虹江流束縛歸畝畝坐令田里歌
 時雍同鄉舊友黃堂客感歎為君潛動魄如椽巨筆紀成
 功從此芳名播寰極

送安成張都憲督運還鎮

楊一清

文皇北狩開洪基古之燕薊今邗畿官河舳舻挽飛粟歲
 四百萬供京師直從三湖到瀛海四十餘閘中逶迤雖云

恭襄擅勞績廟算天假非人為漕規百年漸成弊民財已
 盡兵兼疲豪門貸券不知數公廩未入私逋追姦人復此
 恣漁獵罔念膏血成塗泥君王聞之重悵惻曰此瘡痍當
 底綏詔求經濟起頽廢公名首應朝堂推都臺舊多許重
 著先聲忽滿清淮湄襄帷問俗布新政風霜雨露無偏私
 人言更化先將領疏屏庸瑣將無遺明揚才俊結任使數
 月威令如飈馳高山虎豹莫敢狎精采一變非前時疲氓
 敝卒總生氣昔者戚戚今嬉嬉朝廷綱紀藉臺憲頗恨吾
 人翻壞之姑息之風滿天下漢家三尺空然持剛者矯枉
 不達變志固可取終何裨不然淫刑肆屠刈忍寡人婦孤
 人兒公柔不茹剛不吐寬嚴兩酌還平施淵魚苛察豈公

事權度在我誰能欺漕司政務亦填委老匠坐授羣工治
 如身使臂臂使指大綱一舉萬目隨安得皆公撫諸鎮頓
 使赤子回春熙嗟予關中舊分憲蒞公節下叨公知迂疎
 未敢辱同調頗覺氣類元相宜公今入覲天顏喜縉紳動
 色瞻風儀太常閒曹無報稱卻望賢勞增忸怩秋風冠蓋
 送歸鎮把酒欲賦難為辭似聞臺省虛公位尚為淮人歌
 去思

挽羅少保 有引

邱濬

正統己巳北虜深入當道者建議趨召宣府總戎
 官率兵入衛京城或欲遂棄其城眾紛然爭就道
 時羅公通為都御史巡撫其地乃毅然仗劍坐當
 門拒之且下台曰敢有出者手斬之眾遂定口外
 人至今能言之而修宣府志者亦載其事公平生
 事業固多而此舉尤為卓偉抑菴先生作墓志略

不及何也濬初來京師時常拜公於寓所極蒙獎
 諭及濬登朝公已致仕家居不久捐館舍矣觀香
 致敬其道無由茲因其婿鍾轅應貢來致其子渭
 命求挽章因次第完城事為韻語以補公志之略
 云

六飛北狩無消息邊城四望狼煙赤胡馬長驅去復來何
 人卻建安邊策鎮朔將軍生大關北門鎖鑰視等閑強兵
 健馬盡南走黃塵蔽日天漫漫白首憲臣江右客手持一
 劍當門立誓與孤城同死生怒髮衝冠氣千尺車輪生角
 馬駐蹕居人不動行人歸叱咤之間樓櫓具金城鐵壁湯
 為池雲中失守赤城破胡兒假道居庸過老妻稚子盡登
 陣公亦援袍雪中坐山前山後無數城此城屹立如巨屏
 虜騎南來資阨塞王師北出恃屯營保障京師功卓偉謾

有長城長萬里江淮果賴張真源河朔僅餘顏御史憂國
 勞邊兩鬢霜車成乞骨歸故鄉尉玉腰金者塞路無人上
 書訟陳湯一葉扁舟五湖水漲海邊頭亂山裏折簡不通
 朝貴書抱膝長吟聊爾爾羅浮山崩天墜星乾坤一夜收
 英靈公兮生死已無愧關中至今嗟未平關中能言不能
 紀愧我一官居大吏聊述人言作些詞書罷長歌淚如洗

學古樓歌

羅欽順

屈指今生四十五一事無成心獨苦北斗那得挹酒漿東
 風正好親農圃家住西岡地頗幽門前屋後多平疇一溪
 流水去無路四面青山來入樓樓名學古浪標榜古人實
 學今誰講日暮春秋奉起居時時靜坐聊存養此心存人

還自靈中和無物如有形幾微極處通天地呼吸之間具
典型平生謾抱區區志途長力薄愁難致荏苒如今作棄
材悠悠宇宙非吾事學成假使遂行之要見黎民飽煖時
可能學古穰中坐妻子啼號付不知以之農圃端須學黃
犢價平添一腳且種田且讀書菜羹滿釜渾家樂

題張氏烈錄

并序

女名貞姿正德庚午流賊入萬安女隨眾走避賊稍逼即奔赴直徑之塘自沈而死其父字成甫邑

生

閨門婉孌姿蹈死一何勇塘闊風蕭蕭過者神皆悚表章
題詠屬羣英白壁秋霜照眼明賢弟殷勤還繡梓家家傳
誦死猶生

牛山亭歌

尹奎

酌我牛山酒贈君牛山歌牛山之亭窅疎豁何人結搆依
巖阿上有危峯千尺之峻標下有奔溪百折之流波峯盤
溪繞路中阻但聞泉石清音珊鳴珂山中之人冠嵯峨鶴
筆不壓穿松蘿車蓋翩翩颯茲集笙管吹落峯雲多中天
霞彩駐孤景笑持美酒傾金螺駕鶴仙人應可召乘鸞緜
女疑相過異草金光欣來至翠蕤雲旂紛蕩摩坐取鐵笛
爲君弄赤鳥飛上扶桑柯層巒曉色仍相對溪聲互答供
吟哦我來尋君牛山裏牛山雲向君前起裁雲爲我衣推
山作君几爲君倒盡三千壑迴看諸峯暮光紫

陪陸給事龍門溪歌

尹奎

高巖偏仄峽龍窅雷源倒激山根動中懸千尺怒噴之飛
流迴光蕩日生虹蜺偉哉此壯觀萬古靈雲端磴道折盤
石欹阻風吹練色千峯寒千峯窈窕路深入獨嶂訝谿過
幽絕樛木蒙籠半壁陰屈枝反偃雙崖黑憶昔魯公文采
遺揭嶂巨字交纍垂苔斑不蝕鉤紐古雨溜或洗剝刻虧
攫盤下撇夔魑走鬱律上撼風霆吼穹梁危扇石脚塌神
工曩曩護持从伊予慕跡景名賢攝衣欲往心翻然晝思
想像窺林樾夜夢彷彿行雲煙何如茲晨陪使蓋礪礪徧
躡窮奇昧長嘯高歌宇宙間古今豪哲誰相待八百餘年
魯公死乃今復有貞山子勁節可聳後代瞻英氣欲振昔
賢起山川靈怪豈隱淪地因人勝古所珍況今同游三四

輩侷儻亦更非常倫登高眺遠恣所越絲管啁啾逸興發
但覺飛揚絕後生安知磊落愧前達君不見永南山水稱
界圍有唐遷客多是非任文醜附不自慙閱篇殫侈徒光
輝何如茲山之溪千古流潺湲魯陸聲跡先後傳嗚呼二
公聲跡倬天漢我獨胡為塵土漣

三顧山篇贈羅仲子歸省

吾聞章貢二水合流東走入西昌下有二顧之山揭嶂當
其陽元陰散垂霧雨澤黛色幻布雲霞章斌岡峒峒三十
里逶迤北聳遙相峙盤盤突出層霄中峯峯倒映穹潭底
奇蒸秀孕興才傑百年迭奮名賢迹古來人文開有時獄
降生申理所積天朝者俊扶熙昌誰者第一文貞楊後先

茲地互隱顯乃今太宰揚芬芳景順之後尹與陳赤紱次第躡台辰明珠木難別焜耀東蒙泰岱殊嶙峋比長較短懸尺度誰哉獨軼前賢步連城美璧破織瑕魚目空駭市傭顧嗚呼太宰百世士出也夷夔處黃綺龍蛇消息眾豈知雷雨但望經綸起仲子今辭承明廬綵服計日仙庭趨來時幸語三顧之山之崛特為我指畫中曲紆毋令萬里想像徒嗟吁

十八灘嘆

湛若水

我生之初尚無為我生之後逢明時渴飲樵山水饑餐樵山薇乘命而起兮謂三五可期灑瀕百折兮風波危歸舟藹兮不可磯一嘆初發兮過惶恐淹留無成兮愧厚俸懔

辭

我生之初尚無為我生之後逢明時聖作物覩兮萬民熙

熙百妖千怪兮逞神奇謂人可狎侮兮上天可欺二嘆繼

發兮過撫神明昭昭兮於中夜存標神

我生之初尚無為我生之後逢明時一念乾坤兮惟微惟

幾日復日月復月兮三百六十六惟期天德純不已兮先

天不違三嘆繼發兮過綿津於乎綿綿大道兮疇問津綿

灘

我生之初尚無為我生之後逢明時豫禁逸欲親正人兮

輔弼丞疑薰陶德性兮心身不設乎表奇四嘆發兮過大

料大畜大德兮化神妙大料

我生之初尚無為我生之後逢明時懿文德兮嫺文辭多
修服美兮光陸離進說慎德兮曰力行之五嘆發兮過小

料亟相噴兮東噪叫小料

我生之初尚無為我生之後逢明時曰天下大舶兮正爾

舵桅同載共濟兮曰維舟師人與存亡兮曷破鑿之自沈

罔覺兮知者其誰六嘆發兮武索之灘朽索不武兮六馬

弗閑武索

我生之初尚無為我生之後逢明時申聖學兮明微大路

孔一兮行之不疑恐中道兮有其惑之謂天益高兮鑿余

私七嘆發兮灘曰曉旭日昇兮照下十一灘曉

我生初居無何我生後明時邁曰斂精神兮已久禱天下

平兮四靈奏元良貞兮邦本固八嘆也歌兮登崑崙明有

禮樂幽鬼神崑崙

我生之初尚無為我生之後逢明時饑知食兮寒知衣世

囂囂兮莫知由斯衣食不繼兮身死次之學暫止息兮心

死莫大兮吁其悲謂衣食為矯兮謂死為樂滔滔不疑九

嘆度兮灘曰梁我憂深兮浩歎長梁

我生之初尚無為我生之後逢明時逢明時兮不得一有

為謂我何求兮孰知我心之悲从淹留兮欲歸不歸浮海

知裁兮將去此其安之十嘆灘過兮清洲四海為家兮四

夷思不果兮遲遲清洲

我生之初尚無為我生之後逢明時日月照臨天無私奉

三無私雲蔽之悵五百兮昌期天欲平治兮舍我其誰十
一嘆兮過銅盤覆大照兮誰之愆銅盤

我生之初尚無為我生之後逢明時世滔滔以詭隨咸怨
老兮嗟卑行道兮猶非我心憂兮誰知謂饕餮為賢兮夷

齊為癡十二嘆兮洛瀨挽天瓢兮一洗之洛瀨

我生之初尚無思我生之後逢大有為天德正道兮進彤

墀曰純正有本兮蒙天鑒知二豎為殃兮天乎奚施純德

罔息兮大化四馳十三嘆兮過大壺扣天關兮惴怒濤大壺

難

我生之初尚無思我生之後多憂虞憂虞兮何為四代禮

樂兮百王師鄭聲不淫兮佞人不歧羣辟職職兮堯舜垂

衣十四嘆兮灘過狗腳聽聽多狗兮聲聞四國狗腳

我生之初尚無為我生之後多憂思我之思兮在彤墀聖

躬萬福兮聖學日躋倚賢相兮夾輔帝帷朝講幄兮日日

時時臣遠江湖兮顧慮多遺十五嘆兮小壺灘外臣巢山

兮思克艱小壺

我生之初尚無為我生之後逢明時明時兮如何思我思

兮在南畿馭貪吏兮毀淫祠撫安人民兮恭命保釐禁焚

禍兮義塚規恤士困兮正鄙夷躬勸農兮麥秀歧歧人謂

不然兮赤子疇依十六嘆兮過天柱天柱不支兮民困窶

天柱

我生之初尚無為我生之後逢明時我所思兮在四夷恭

惟明時兮命討無私從天下兮堂堂之陣正正旗孰敢不
恭命兮爾戰爾圻帝高拱兮無為十七嘆兮過橫弦弦橫
兮牛馬歸思橫弦帝威宣橫弦

我生之初尚無為我生之後逢明時思垂拱兮無為思天
地平成兮禹執元圭思四靈呈祥兮苑龍麒思九助瑞世
兮瑞無窮期十八嘆兮過儼難我歌終兮天臨平瀾儼

提督大中丞北川陸公螺川捷音歌 羅洪先

炎瘴四塞嶺海翻毒塵漲天天欲昏紅巾秋下玉筍峽白
羽夜過章江門明聖重瞳見萬里環視南方孰可使左轄
陸公眾所推節鉞登臺承特旨朝來拜表夕啟行道間小
醜仍縱橫駐師螺渚不旬日笑談兩捷驚飛聲擒生獲首

踰四百壯士轅門受金帛旌旗遙指連壘空狐鼠宵奔闕

無跡銜枚金鼓晝不聞玉立行營銳且文聚米當筵問山

谷借箸輟食開風雲煩歎遠謝霜威勁鬱孤勢壓千峯靜

虎頭城下臥熊貔羊角水南絕梟獍憶昔正德逢末年金

鍬作難先自度屠村赭邑官吏遁老師曠日虛縉錢陽明

夫子分節制略去儀文擅智計關梁漸禁用漸舒芻蕘可

從行不泥參伍得情幽昧通出沒要害指掌中先發後聞

得密請陰操陽縱齊神功嚮道會藉龍川猛軍書不出廬

陵境老招新民感再三至今俎豆垂三省事鈞勢格難並

論良工苦心能幾人兵家勝負形無定善賞罰者稱名臣

治亂相尋每反覆轉瞬光陰四十六天如有意生陸公繼

登名位同鄉曲當時公私倉廩豐綱紀如初無異同只今
徧野盡荒穢嬰城飽食誰哀恫孱丁惰卒不素練土目狼
兵資利便犬戎回鷓古有懲得失不償貽後患君子用權
貴弭變丈夫乘時才乃見病愧無能從荷及濡毫擬作平
南傳

乙未大水作

嘉靖乙未五月望文江城頭水十丈河伯驚夸涯浹間陽
侯驕舞盤渦上虎鬚噴雨飛腥風蛟涎吹浪喧高空三版
愁看灌晉邑四載何由施禹功夜啼寡婦聞不忍朝見浮
骸日欲矜千里煙炊猶忌龍萬戶樓臺疑化蜃卑者升屋
熊鴟蹲高者緣屋鴉鷓鄰抱柱應悲待符女濟川那得操

舟人我家同江十里許苦恨未入深山處見說滄桑變古
今忽訝林居在島嶼收書卷幔不得眠雨聲蕭蕭風轉顛
在陳厄數逾七日抱杞深憂積萬千舍北村翁相向哭乙
已年來遭此毒當年閭里足餘糧今歲貧窮痛徹骨男耕
女饑僅下田舊債未償新債連一朝生理化魚鼈數口戶
籍虛縉錢我聞斯語三嘆息更覩枯顏淚沾臆監門圖畫
總可憐青州政事難為力安得神堯開九天祥曦高澤流
重泉寬租年年漢室詔省刑處處周官篇常聞大滂仍多
亢縱有高田不可望桂薪珠米命似絲帛魚銅馬心如恙

元陽洞歌

李嗣晟

何年西極之精忽墜地化為巨石礪礪更崔嵬仙人驅之

如驅羊萬里有走元陽之山隈元陽山靈惡唐突上訴天
帝排金闕帝命六丁揮神斧鑿作人世蓬萊窟六丁擘畫
盡神妙務令晃朗幽曼絕凡調一竇中刻白玉壺千局細
剖胚渾竅下有蹲獅伏象天矯護巖扉上有琅函丹笈恍
惚含晶耀進步更造元冥關蒼龍赤螭盤據乎其間吐津
噴沫無晝夜穿巖破石縈紆而潺湲窮冬溫湯煦煦出火
井六月飛雪冷冷來陰山從此東南巖壑讓高深尺岑寸
嶠千黃金朝霞暮靄別有一天地紫芝黃獨簇簇輪球琳
時聞老樹解作山人語况有幽禽能弄迦陵音怪哉奇乎
千萬狀置彼六六天中豈多讓不然亦卽衡嶽水簾之窈
窕更何論廬山青牛之遐曠昔有洪崖之徒種杏當洞口

花開十丈實如斗至今足跡留石隙道人猶憶姓字呼某
某開元姚相此僑寓書臺百尺凌天柱藜火照耀紫微樞
墨泉醞釀金盤露後來名賢車騎日聯翩葩詞藻賦爭流
傳紗籠掩映苔蘚斑蛟蛇騰掣風雷纏我生癖耽奇詭趣
欲以錦囊載之獻作上林賦仙人怕我擊鼓驚天烏叱咤
黃熊黑兕占斷雲霄路眇盼霞漿石髓不可滄夢想元圃
滄洲渺何處回首猿情鶴思半是非蘭蓀蕙草空依依君
不見函谷紫氣鬣鬣起林樾誰謂楊仙姚相一去兮再不
歸

寄題石廊洞

我聞梅水之隩有石數百丈仙人鞭之來自東海之扶桑

神劉鬼削騁奇怪孽作上下兩洞稱石廊下者幻若蓬萊
 羣伯之丹壑上者突開天宮玉女之瑤房攀緣迴絕塵凡
 路盼盼疑在牛斗傍但見碧霞爛熳張綺幄石髓滴瀝成
 瓊漿仙翁羽客紛總總而來集雲旗煙旛接混茫醉上丹
 梯題絕壁雷奔電射蛟虬翔近瞰碧雲湖仙名二山小瑣拳
 可碎遙睇義屏禾障環向而趨踰假令移置名都當孔道
 六六洞天何敢相低昂遐想精靈始磅礴豈為方外供倘
 祥奇蒸秀孕匪偶致合有雄人傑土崛起揚芬芳况今鳳
 臺時時騰紫霧龍光夜夜燭銀潢寄言山靈休嘆人寂寞
 遲我招猿引鶴再歌南山章

青原山水歌寄贈廬陵南昌王明府

憨山德清

青原之山高入雲螺江之水無纖塵高山流水最奇絕中
 有老人何清真老人七十髮未白脣若丹砂目似漆闇騎
 白鹿拾紫芝生平已痾烟霞癖當時挾策幾上書片言直
 達承明廬天子前席問神鬼老人只道蒼生枯加拜一官
 于何有老人折腰羞五斗縱使金張許史榮何如彭澤先
 生柳風塵誤落多惆悵且喜山水嘉無恙還如一枕北窗
 風為何不到羲皇上官比陶潛多三年俸錢不足供買酒
 不若南山豆一畚荷鋤日問桑麻友青山回首黃梁熟清
 泉白石盈空谷但得高眠遠市塵浪霞茹古衷腸足揮手
 長揖人間世三十餘年如夢事姓名已籍列仙圖書香喜

有兒孫繼富有餘年伴山水俯視塵寰如磨蟻放浪形骸
大化中漫道彭錢何足齒我亦四海無家客遙憶老人心
似雪何時一訪白鷺洲與君醉弄洲前月

擬解學士大紳先生易名 有序

劉同升

解公諱縉字大紳吉水人也以解首第進士累官
左春坊大學士初在詞林上大庖西封事高皇帝
才之命歸讀書文皇帝初命詞臣入直公同三楊
辦事內閣備顧問上詢以大臣十人一置對生
平事業皆如公語時儲位未定再三諷諫定策尋
歷外職上北征太子監國公入見致謗下獄文皇
將大用之忌者矯自暴卒子孫貧極無錄廢者上
惜之內閣無不得諡公乃不能與楊文貞輩同褒
一字為之恤
然以俟公論

高帝開國羅才雄莫大文章有數公博極羣書第一手金
華領袖見飛龍爾時右文同翊運君臣一德歎遭逢解公

英妙與其選庖西封事見丹衷擊節異才不世出養其小
銳成膚功十年讀書稱博物再來簪筆明光宮文帝特簡
入侍直顧問諸臣禮貌崇手疏十人皆稱旨品藻平生知
始終黃扉代言多大議青蒲伏奏為仁宗羽翼功成讒謗
起一見監國羣口攻於時恩威故不測詔獄何嘗不夢松
宵人忌公將太用誤傳天語大朦朧帝謂數奇胡蚤世不
知暴死繇諸凶益棺事定光儀遠誰為錄後念奇窮方之
魏徵同蹇諤豈如胡廣才中庸閣輔易名循故典文憲後
先慕遐踪

王修撰欽止先生易名 有序

王公諱良字欽止吉水人也建文已卯舉江西鄉
試第一明年成進士第一以貌不及胡廣且廣對

策有親藩陸梁人心不搖之語上以為敢言首擢之而移公第二以洪武乙丑例一甲皆援修撰公聞靖難師起上疏侃侃言國家將亡恒懷憂懼輒不食日就羸德辛巳九月服毒而卒上憫公忠遣禮部侍郎黃公觀祭之爰賦其事以待旌

建文庚辰賜及第王公貌寢移第二靖難兵起國事危帝以叔父懷遜避即看社稷坐淪亡主憂臣死豈心悸日輒絕食漸就羸飲藥捐軀先赴義當公未死盡忠言情慄已披觸時忌帝感侍臣不慈遺乃遣宗伯賜論祭文皇入統簡封章謂公激烈忠所事李貫稽首獨稱無近侍不言何用置呼嗟高帝手逐鹿中華千載始正位於時元氣故瀆龐忠孝人人能自致公非白刃交其前輕拚一死酬夙志不忍目見社為墟首陽猶是商家地吉州殉難有羣賢領

袖唯公發大議要之人臣之事君貴在用愚不用智文山正氣表螺川凜凜英風士所企既死何心身後名風勵人臣需一字

王敘諭子職夔州通判禎易名

有序

王敘諭諱省字子職吉水人也舉江西鄉試署濟陽縣學事靖難兵破城公為游軍所獲從容引譬辭義慷慨眾聞之辣然因令舍之公引明倫堂召諸生謂曰此堂何以名明倫今日君臣之義若何遂大哭以頭觸堂柱而死孫禎為夔州通判討賊戰死馬嘶而歸報其家人引至尸所輿還馬死羅文恭有戰馬記二公雙節公論久定爰賦其事以待提諭

高皇神武邁往迹養士報禮懷忠赤靖難兵起爭就死王公濟陽官教職孤城不守事倉皇游軍所至先被執從容引譬得死所正誼凜凜眾辟易此堂何以稱明倫君臣大

節罔攸斃慟哭流涕語諸生慷慨報主捐七尺以頭觸柱
 死須臾千古忠烈傳史冊厚祿猶且負君恩王公下僚何
 所追不見東湖樵夫亭義氣所激輕一擲雙忠况復有象
 賢夔府清風故奕奕臨陣齒落張睢陽討賊血戰殉疆場
 戰馬歸嘶引家人往覓遺骸記沙磧祖孫死義泣鬼神真
 誠可以貫金石太史作記垂不朽森森祠前雙古柏富貴
 亦同草木腐丹心不化萇宏碧論定易名風教維信國廟
 中分一席

羅少保學古先生易名

有序

羅公諱通字學古吉水人也舉進士上第土木之
 變破敵保塞恢復京師與忠肅于公共成中興之
 業犁庭以來第一戰功此後未有繼之者劉王兩
 文成伯仲之間為文臣三大功也人品學術道德

文章同稱不朽觀象前知而恥與奪門之事以左
 都御史屢疏請致仕匹之千古留侯鄴侯其人也
 吾學編載公行事不甚詳攷其孫制科屢舉而易
 名之典未請兩文成事例可擬也爰述其概以俟
 論公

文皇雄略事邊庭黯淡髦頭落一星三楊以後闔用事土
 木之變喪聲靈爾時微羅雒專關中華率土幾無屏少保
 英姿得異授侍御左遷百折經忠肅治內公治外中不掣
 肘陳相循以少擊多鹵氣奪以夜斫營敵疑神時擁太上
 以要我往往偵探得其真乘勝追北賊宵遁出師保塞如
 其仁重整乾坤還正朔首上足下乃分明敵已代謀歸太
 上興濟因之成功名仰觀薇垣知復辟奪門貪天恥眾爭
 謝病力請遂初服口不言功蚤辭榮嗟公正大有學術子

房長源並古今眼見于公嬰慘禍戒子陳情守素心道高
還同介推隱人之公論豈浮沈易名錄後惟清議文成把
臂已入林

書青原惜陰卷後

有序

王宣

新建文成之宗以羅念菴鄒東廓二公倡於青原
而盛也錢緒山王龍溪二公時過青原相訪四方
應之後來鄒南皋公證明一實合拍東林與方君
靜廷別公會於首善申無我有事之旨歸龍眠與
吳觀我太史公激揚歷年潛夫壘卿公為廷尉之
子太史之坦淵源合乳會通於易則三百年之鐸
備於斯乎盡變安常平奇偏全激揚神化知極知
節天自末由各泥於事不欺已耳山水逢場一管
一笑因吾鄉易友攜太平山房青原惜
陰卷來壘卿贊嘆龍馬老叟因為作歌

不二覆幬非茫茫幸得一門傾肝腸卓立誰處囊聊
以微帚為資糧青原山水護宮牆鄒羅合熱餘姚香千里

諮訪錢與王惜陰鼓舞懷文莊知致無知休徬徨蠶則績
兮蟹有匡九萬里鵬搶榆枋上下小大無低昂心齊心隱
山農狂喜有近溪起盱江溫陵黃檗淬劍鋌老託慢罵烹
糝糠石匱躍拊袁中郎衰年自責收兵降豁渠雄誕作劇
場小修心律炙膏肓整葺干椒如暴疋弱侯廣採陳笙簧
文清文介正冠裳二無獨弦彈清商東溟六龍五雲翔胡
廬山作衡齊方總為掠虛弓反張謏輟擗闔繆刺傷海外
秘傳夸倒倉遂厭靈素燒岐黃博山憂楛為機槍謀詒白
著羣拊盲蓮池性海扶幡幢愁山紫柏相頡頏門庭撐拄
呼顛當大人統御惟提綱彌縫不覺栖皇皇涇陽景逸修
堤防緣不得已申比鱗南皋嘗云放下良樂隨無念野徇

祥一享皇風無邊疆一考官天視履祥野同家學以此藏
 九疇四克歸平康河洛端幾午連彰燧鏡取火從中央秩
 序數度非荒唐物有則而神無方復見東關來一陽天無
 寒暑空蒼蒼交絡經絡施爽薑性不可聞事宜詳果蔭有
 理安其常二一老人畜汪洋無我乘位時偕行春風闡闔
 秋履霜誰駕麒麟驂鳳凰喜遇吾友展青箱浴風歌咏樂
 無荒別路孤行絕商量黃葉燒灰埋金剛殊塗同歸何有
 鄉書此遠寄傳心堂太平采擇留山房善世遞世皆金湯
 惜陰振鐸聲瑯瑯

登禾山三相臺

釋惟則

我登三相臺南望雙巽峯俯視下界如凌空開元老樹可

百丈斷崖盡日呼顛風甘即攀果學狷挂楊子枕石飛泉
 中垂藤離地坐我穩袒洗長嘯如乘龍嗚呼昔人不再得
 臺上土花幾秋色前身不如後身期白雲豈識蘿衣客
 得近代顏輝來畫我石上驚風雷

時甘楊二
 女偕行



